





梅溪先生後集卷第二

詩

丁丑二月二十一日 集英殿賜第

太平天子崇儒術寒賤書生苟作成  
槐市育才叨舍選楓宸唱第冠時英  
聖恩寬大容愚直御墨褒嘉佩寵榮  
却笑劉蕡不遭際徒令紙上有虛名

游天竺贈同年

雅會清時不易逢吾儕今日此游後  
逼人英氣湖光瑩照眼恩袍草色濃  
文盛一時俱俊傑名先千佛魏躑庸  
致身許國宜相勉莫孝平津但取容

贈閻同年 安中



飄飄吳蜀兩衰翁，尊酒論文偶會同。  
名在儒科雖後我，言關國體豈如公。  
休嗟世路多巖嶮，共報君恩有撲忠。  
此日游從足可惜，行將渭北與江東。

閩和詩叙別再用前韵

我本東嘉田舍翁，登科偶與蜀龍同。  
盍簪經月欽高誼，分袂令人念此翁。  
幕府可能淹俊傑，宸襟應亦記精忠。  
他年攬轡游吳越，訪我茅廬浙水東。

贈梁同年介

君家錦水邊，我居浙江東。  
各在天一涯，芳尊偶相同。  
君方富青春，勁氣吐長虹。  
我老志亦衰，倚麻媿蒿蓬。  
會合已踰月，周旋見高風。  
夕客思故鄉，歸心各怱怱。  
贈君無

別言相期及孤忠

次韻陳大監按見贈

中興天子尤崇儒，衆賢彙進如聯珠。  
鄒枚待詔萃金馬，臯夔接武相俞都。  
策士初期異人出，不尚虛文與虛聲。  
律況當盛世，多賈生。晁錯豈容為第一，  
自慙俗學非名家。遺經獨抱居東嘉，  
壅壘太學浪十載。豈有文許時人夸，  
芻言奏宸庭策狂妄誤。象明主擇生天，  
偶在千佛先。材劣名浮有餘責，穎川丈人詩絕奇。  
長篇勉我母，趨時欲報君恩答。知已胷中耿耿何當施。

次韻劉長方司戶見贈

楓宸昔羨君登第，蓮幕今慙我効官。  
相見可嗟頭并白。



若來自合量俱寬不嫌此日成名晚最喜平生取友端  
待報君恩知死所却同神武掛衣冠

陳大監用賞梅韻以贈依韵酬之

穎川文人賢矣哉青眼喜為清流開詩章翰墨兩奇絕  
筆下一字無塵埃品題人物將後進播紳樂善公為魁  
東嘉賤子生太晚猶幸識此真人才竭來西游也不惡  
錦囊所得俱瓊瑰區區科第何足道此行似為詩篇來  
客中拜賦更重複丙穴魚及邗筒杯大監近以寒鄉故  
見舊問歸橐首言帶得公詩回

大監復贈詩紙尾有留餘語再用韵以謝

平生漫學乎歟哉心茅曾棘鋤不開得公新詩一再讀

便覺胷宇清無埃銀鈎妙畫發光艷照眼有如參與魁  
卿生肺腑非太白公似工部尤怜才旅中屢獲錦綉段  
但媿欲報無瓊瑰豫章一榻不妄下賢非徐儒安敢來  
荷公此意最敦篤一笑當奉論文杯鄉心如飛不可追  
更為長者遲遲回

謝榮帥蕤贈 御書孝經用陳大監韵

輦轂之下先彈壓茲言雖佳未足法丈人身居彈壓地  
撫字心勞民自洽神聖當天萬物春王畿共理嘉得人  
雲漢昭回賜優渥不特為公端為民聖經一章公獨得  
黃堂葱鬱生春色賢哉名卿才大夫匪懈事君端可則  
石刻分餘猶及我榮耀驚聞浙江左從今蔀屋光屬天



更有寵褒雲八朶某前日拜對蒙願公勉為不朽傳長  
如治吳與治川要令列郡法青白了無一吏橫索錢

陳大監錢別用前詩珠字韵以謝

宸廷繞胃先諸儒寵褒况獲驪龍珠謂宸青衫黃牒拜  
君賜紅蓮綠水官留都明日扁舟欲東出訪別長憂礙  
新律文人呼酒如韓公賤子媿非張十一酒闌未放客  
還家活火煎泉亨葉嘉西來頻下豫章榻盛事當作還  
鄉夸始終尚賴公鞭策邪正途中知所擇捐軀誓報明  
主恩青史庶逃千古責况公自是人中竒境鄰呂望逢  
明時行持從橐奉清問美惡願分媿與施

用陳大監韵謝王國録季羔見贈

吾宗神秀時名儒贈我三百隋侯珠野人不識希世寶  
但見照眼清而都我昔造從鴈山出旅食賢閔淹歲律  
雅欽陸子常患多更歎張融可無一長淮又絕誰起家  
青箱有君殊可嘉祠科得雋誦子厚何止文許後生夸  
我拙慚無濟時策老境初官尚何擇江南蓮幕君故鄉  
竊此聊逃簡書責寒賤誤蒙君見竒祖別贈言榮一時  
明日東歸詫閭里五絕首称虞伯施

陳郎中公說贈韓子蒼集

唐宋詩人六七作李杜韓柳歐蘇黃近來江西立宗派  
妙句更推韓子蒼非坡非谷自一家鼎中一鬻曾已嘗  
丈人珍重贈全集開卷爛然光焰長詩如此公固足貴



賜者仁出尤難忘兼金白璧不足道願寶茲集為家藏  
縣生幸脫場屋累老境欲入詩門墻古詩三百未能李  
句法且學今陵陽

章季子贈端硯

有容贈端紫剛方如正人裔傳家万石力助筆千鈞磨  
鐵嗟吾老著書欣爾新何當與毛穎相約侍嚴宸

次韻陳大監赴天申節宴

聖主仁心等南北燧息邊庭兵不宿兩階干羽來遠人  
大度端能包濮祝萬歲三呼誕彌月四海千秋太平曲  
宴開文德賜群臣喜溢天顏明四日向來獻壽人誰  
在元凱重登共縣逐武夷戎監老風騷去國十年官始

復捧觴首賦天保章遙指南山祝君福更獻曲江金鑑  
錄不但能歌連理木賤臣逢時最僥倖歸美寧辭管城  
秃願同韓愈頌元和兼美武公歌綠竹

謝李侍郎珣贈御書

君不見西京孝武稱材雄致治欲與唐虞同詔求賢良  
論闕政翻取曲學公孫洪又不見文宗在唐號儒雅制  
詔勤勤策群下劉蕡切直棄不收卒使太阿歸宦者  
吾皇策士親臨軒不為故事求空言猶疑有司劾馮宿  
或恐前列登公孫九天賜下飛奎翰照眼昭回倬雲漢  
抑尚忠諫有訓詞品題高下由宸斷儒宗被命持文衡  
銀鈞拜賜恩非輕將樂石刊聖語分貺下及狂愚生



畎畝倦倦蓄忠憤射策自慙言不及它日倘陪鴛鴦行  
願効魏公攄底蘊

塗中得寶印叔二詩次韵

十年行役厭間關一第初收髮已斑重念此生難報處  
君親恩德重丘山

双親不見不勝悲銜恨何曾有住時二叔尚存俱白首  
歸來猶足慰衰遲

次韵寶印叔題壁二絕

風掃園林萬木殘道人眼界却宜看北窓跌坐對松柏  
人物青青俱歲寒

早已心潛不二門猶將土苴與人論未須隻履西歸去

且作人間老世尊

萬府君挽詞

不廢東平業思興畢萬門短檠書自照鐵硯志長存冠  
玉負寧父蘭亭秀更蕃一門今盛大詩禮荷公恩

肯歎儒冠誤長隨卒子忙阿戎成雅志小阮發幽光原  
冷鶴猶近椿摧桂始芳老成嗟不見猶記貌堂堂

致政宋承事挽詞

蘭玉盈庭戲綵衣顏如童子壽期願臨行四絕勝四偈  
遯世五休高五意藍袖晚霑天子命芳樽首致使君  
詞誰云汲冢藏書富應媿無公千首詩

張德惠挽詞







十里松声接澗泉清音入耳夜無眠詩有清音宜於四絕

中稱絕四絕事誰向三賢後更賢禮干驤寺就已無陳

日月詩建於陳時清長是宋山川初智者云此寺成國

歸德明朝杖履尋劉阮不待桃花入洞天

### 題大慈寺

巍嶺迢迢入翠微梵宮佛隴鎖烟霏斷碑古寺曾經眼

剛笑陳隋往事非

### 題石橋二絕

路隔山九意可通石橋容我踏長虹橋旁方廣人游久

不在登臨杖履中

石橋未到已先知入眼端如入夢時白僧與我為嚴

首坐前生曾寫此橋碑天台石橋記乃永嘉僧嚴伯威

### 萬年贈鄉僧貧老

夢魂驚斷石橋邊身帶烟霞入萬年賓主相逢意良厚

永嘉縫掖永嘉禪

學通儒釋浩無邊江浙声名二十年見說曾中有論語

欲從師向此參禪續能談

### 過鑑湖

翔風吹水鑑湖寒千里扁舟赴幕官路入蓬萊天尺五

眼中見日與長安

### 民事堂

其誤蒙親擢贊幕會稽 天語丁寧俾知民事聞命



驚懼媿不克堪因榜所寓廨舍曰民事堂庶幾朝夕  
不忘 聖訓仍書五十六字以自警時紹興丁丑十  
有二月也

親擢深蒙聖主恩宜知民事訓詞溫仰惟睿意思邦本  
要使書生識治原不憚勤勞馳禹會敢忘精白奉堯言  
它時上問蒼生事頭竭孤忠慷慨論

臘月望日出郊探春游告成觀謁大禹祠酌菲  
飲泉遂至龍瑞宮觀禹穴薄暮而還

禹堊稽山不記年丹青落尽厠依然神文秘在藏書穴  
儉德流為菲飲泉龍瑞峯亦高近日鑑湖烟水澗浮天  
東州佳處畧經眼自笑好奇如馬迂

采戢

采戢思越王也越有山名戢戢蔬類也王所嗜焉予嘗  
登是山故作是詩以思之

陟彼越山言采其戢我思古人中心悒悒維国有耻吳  
弗違粒膳于坐偶霸勳以集陟彼越山言采其茗

山句踐

次章及之

有

我思

古人

中心

炳炳

維國

有耻

夕弗

違瞑焦心以思沼吳之境厥草匪甘厥蔬匪香維其味  
之豈曰嗜之心焉孔焦膳焉亟嘗唯其苦之是以取之

我陟高崗瞻望東越訪王之祀曠古有關宜有于山世  
享不絕何以薦之戢若是擷

秦望



秦望哀秦之過弔茲山之不幸也

瞻彼秦望崇于會稽曷云其崇登焉而紫孰登是山而  
方之人兮瞻彼秦望輕于會稽曷崇而輕名之以嬴孰  
名是山東方之人兮我登稽山思禹之績吾儕不魚鱉  
帝之力我瞻秦望哀秦之過雷彼黔首其誰之禍禹駕  
而游夏民以休有翼其行稷尚是謀政轍而付羸隨以  
仆孰穩其惡斯高左右孤竹兄弟殍于首陽山與其入  
嘉名孔章竊辱以恩泉汚以盜物之不幸名惡而暴浙  
濤如銀鑑流如紳濯彼崔嵬勿汚以秦

迎春遇雪

飛雪送殘臘帶花迎早春而晴而農事及媿是不耕人

元日冒雪起天慶觀

朝拜既趨府拜表還舍飲屠蘇酒因思去年元  
日亦不在家感而有作

幕府初官媿不才琳宮朝拜獲參陪藍輿去踏挽先雪  
蓬鬢滯銜寂後杯禹穴地幽寒未歇堯天日近暖先回  
年年元日身為客孤負吾廬溪上海

賀何正言用蔡君謨韵

御筆親除真諫官翕然輿論已騰歡正人得路言無諱  
聖主虛懷听不難莫厭封章箴袞闕要令奸膽落毫端  
甌生雅服陽公德時把昌黎諫論看

寓小能仁寺即事書懷



小園青徑梅溪老綠水紅蓮越幕賓藥裹隨身多半夏  
花枝照眼只常春時若鍊鐵多服一郡樓鼓角听殊  
遠僧舍鍾魚聞已頻窓外清風數竿竹澹然相對淨無  
塵

同莫教授朱縣丞朱司理游西園

黎明出城郭偶作西園游春淺花未都池寒綠初抽湖  
山欲縱目烟靄浮不收初來興非淺心賞殊未酬賴有  
三君子清談洗牢愁更期春色濃携樽泛仙舟

次韵濮太守賞梅

春向群芳頂上來可人風味亦奇哉未於茅舍疎籬見  
先為金枝玉葉開竹外橫斜綠數點笛中搖落已千堆

因公掠我惜花意深憶去年湖上杯

題壽樂堂用東坡韵贈楊元賓僉判

蓬萊閣下蒼龍古萬壑千岩擁仙府壽樂堂西面卧龍  
壑月岩風滿窓戶蒼松溜雨大十圍綠水浮荷深一股  
作堂主人久黃壤仁智風猶似鄒魯詩仙騎龍已上天  
妙句光芒照寰宇青山偃蹇只如昔高處去天無尺五  
楊侯淮泗老儒李文字撐腸筆風雨竭來替幕古東州  
要與青山作盟主虛堂宴坐飽風月此外一毫端不取  
它日從公物外游貝闕珠宮酌瓊乳

元賓贈紅梅數枝

江梅孤潔太絕俗紅杏酣酣風味薄梅花精神杏花色



春入蓮洲初破夢前在壽樂堂膽瓶分贈兩三枝醒我  
沉痾不須藥時某以頤公及早辦芳樽酒暈水飢易銷  
落

辭舍有循竹數竿瀟洒可愛

誰裁窗外碧琅玕瀟洒尤宜老眼看寄語後人毋翦伐  
更須時為報平安

龍瑞道士贈蘭

有客贈芳友贈瑞伯目滿堂聞國香清含道流氣輕帶

羽衣黃綴佩風光別橫琴有趣長重須尋禹穴一曲听

揚揚道士善琴

吳秀才克家以壽樂蓮洲中千葉梅花為贈酬

以詩

東君次第染群芳更與南枝別樣粧水漲春洲浮鴨綠  
日烘花臉帶鵝黃雪中瓊蘂不多辨酒後玉飢無此香

編也玉潤冰清摠佳士驛筒相繼贈春光吳居乃揚

上丁釋奠協數獻官書十二韵呈莫子齊教授

趙可大察推

魯人呼東家陳蔡不火食當時雖高第性性亦慍色孰  
知嘉奠後廟祀亘無極宛然衮冕尊王侯面俱北武成  
祭上戊龍棄配杜稷隆殺良不同論功豈如德去載游  
上座觀禮杏壇側備樂闋九奏銀袍爛千億茲焉客蓮  
幕濫與俎亘職登階瞻睿容炳粹若親識壯哉芹藻宮



不城魯侯同婦賚泮水頌才劣慙史克

會稽三賢祠詩并序

越有三賢祠曰吳先生曰唐侯曰蔡孝子吳先生名攷  
嘗事安定胡先生瑗以文行稱捨所居為府學有功於  
風教為多賢於許詢賀知章輩一等矣唐侯名琦建炎  
間越師叛命以城降虜侯奮自行伍憤然袖執擊虜酋  
至死罵不絕口有靖康李忠愍風非古刺客比也蔡孝  
子名定以死贖父罪自沉于河與孝女曹娥相望於千  
載間異世而同烈其比因上下至學見而庶吳先生有  
祠堂詢之莫教授而知其事因語莫君宜有以記之異  
日坐幕府吏具郡祠殿所常祀者中有旌忠愍孝二庙

某命吏訪其詳因得舊越守傅公崧卿祭唐侯之文及  
蔡孝子所親撰銘誌與越人題跋奏狀等嘉難者累日  
因作三賢詩以記其大畧庶幾好事君子相繼有作以  
發揚其幽光亦所以助

吾君旌遺賢獎忠孝激勸風俗之一端也

吳先生祠

安定先生賢矣哉一時高第俱英材詵然達者播廊廡  
貧賤亦是光蓬萊會稽吳君更超絕至今士子猶能說  
講堂鳴鼓規使君可使清風聳朝烈越中社人信諸府  
伯玉至孝以便服坐堂下先生求田問舍遺子孫錢惠  
地僻何紛紛不惜池塘種芹藥一段奇事前無聞君不



見唐室蓬山祗賀老乞得鑑湖歸去好却將儒服變流  
沙更遣門闌亦歸道又不見晉朝名士高陽公許麟  
能才名上下王謝中乃心欲出三界外山陰宅化  
瞿曇宮先生識見高流俗不作二公緣禍福寄語多才  
鄭廣文乞與毫端記高躅

旌忠廟

國家往往往艱難中措紳節義掃地空靖康有一忠愍公  
建炎獨有唐侯忠唐侯爵位何曾隆身居行伍儕罷熊  
平生經史漫不通嚴霜烈日蘊在裏憤然一奮不顧躬  
太尉奪笏嗟忽忽子房鉄椎計已窮張巡就縛氣尚雄  
杲卿鋸解罵未終忠血義肉塗地紅烈氣真魂薄蒼穹

事驚朝野聞 帝聰立廟旌忠浙江東睢陽双庙同高  
風名書青史等岱崧當時開門誰納戎貽臭千古如蛆  
蟲

愍孝廟

我昔嘗讀黃絹碑長歎越國無男兒孰知種山山下水  
千載有此一段奇嗚呼哀哉蔡孝子風烈遠過懷與羈  
乃翁白首困縲絏半年不脫兒心悲請身荷械代父罪  
或甘黥涅居軍麾况遇兵興擊叛卒身先矢石死不辭  
當時非無賢太守時越守孝子抱志終不施人間無路  
可赴訴投命河伯祈天知自為銘誌及訟牒欲懇以魂  
贖以屍精哀意切語不怨孝與忠厚俱天資臨河更効



結纓死奠沛於禮曾無虧父脫繫囚子頭畢身在九泉  
甘若飴名聞九重獲旌表賜卹愍孝風華夷明為祠宇  
乃如許一間破屋河之涓未聞設誅有度尚絕妙更欠  
邯鄲祠我來贊幕欽孝烈願瞻南貌成吁嘻也年太史  
作佳傳願於紙尾書吾詩

梅溪先生後集卷第二

梅溪先生後集卷第三

詩

某比緣職事朝拜 殯宮瞻望松柏愴然悲涕  
遂成小詩

崇觀升平主神游在九霄稽山嗟奠禹寰海痛思堯天  
上仙宮別人間寶祚遙微臣望松柏魂思黯然銷

鑑湖行

蒼蒼涼涼紅日生葱葱鬱鬱佳氣橫鑑湖春色三百里  
桃花水漲扁舟行花間啼鳥傳春意若落行舟驚嘉寐  
胡牀兀坐心境清轉覓胡山有風味鑑中風物幾經春  
身在鑑中思古人禹迹茫茫千載後疏鑿功歸馬太守



太守湖成坐見責後代風流屬狂客狂客不長家鑑湖  
惟有漁人至今得日暮東風吹棹回花枝照眼入蓬萊  
回首湖山何處是欸乃声中畫舫裏

禹廟歌

君不見逢瞿黃雌吞四海血祀初期千萬載稽山木像  
棄長江送泝波濤鬼無餒鳥喙辛勤十九年平吳霸越  
世稱賢故國無人念遺烈山間廟貌何淒然馬守開湖  
剡源迥歲沃黃雲九千頃年來遺迹半湮蕪布鎮湖邊  
篆烟冷吳越國王三節還將錦綉裹江山自後王氣  
熄牛十廟比昭王屋一間迺知流光由德厚祀典誰能  
如夏后九年洪水滔天流下民昏墊堯心憂帝懼萬國

生魚頭錫禹洪範定九川功成執玉朝冕旒奔走訟獄  
歸歌謳南巡會稽觀諸侯青歲魁元千丈幽蟬脫塵寰  
不肯留千古灵祐依松楸吾皇盛德與禹侔非食卑官  
惡衣裘思禹舊績祀事脩小臣效賦躬薦羞仰瞻黻冕  
懷遠猷退惜分陰慙情偷嗟乎越山高兮可夷而立鑑  
湖深兮可埋而疇惟有禹貢声名長不朽告成世紀無  
時休道觀名告成

與趙安撫乞疏獄

小麥青青大麥熟秧老欲移蚕欲簇皇天弥旬作淫雨  
害及農桑一何酷麥枯秧腐蚕不絲無食無衣豈能育  
使君今世賢方伯政過龔黃同舜牧儼金闕放宮與私



喜氣歡聲傾比屋仁風已慰黎庶心誠感蒼穹理宜速  
胡為烝泄尚如許陰沴干陽埋日數豈惟泥濘困牛車  
更恐魚龍上平陸閭閻競昼指日蠻香火遙祈上天竺  
傷和無乃有寬民蠹政尚疑多大族使君有術開青天  
按劾奸賍疏滯獄

次韵濮太守詠知宗牡丹七絕

憶昔洛陽花盛日品第况逢歐六一姚黃一品價無雙  
更有左花千葉宗

月陂春色滿花枝国色天香照雪肌當日栽陪恐無地  
如今誰保舊園池

開元往事感傷中遺種猶餘一樹紅借問通霄妃妃子

何如及早念姚崇

春色遙興洛陽念風俗聊於記中驗今日苧羅山下魂  
猶向人間吐妖艷

地近堯天饒雨露花玉窈窕多風度書生不辦買花錢  
空解搖毫為花賦

香苞初拆曉霞凝甲第名園冠紹興玉葉金枝老詩伯  
更將好語為褒稱

造化無私處處芳家山想見亦春藏無端竊祿身為客  
孤負吾廬十八香

送僧游徑山

潛澗家風不蕪沒禪講說說及衣葛如今更有奇兒孫



雲水飄然繼衣鉢徑山禪伯僧中龍向來名節真無雙  
我昔題詩已推許兩度相逢不曾語子今此行真得師  
掃除妄想叩深機我待衣冠掛林下逢子歸來話瀟灑  
三月晦日邵憲大受宴僚屬于西園某與焉趙  
提幹滄即席賦詩次韵

送春開宴種山西翠幄重重眼界迷一段清和人共物  
十分幽勝地臨溪鴛鴦曲水閣中集嬰燕落花枝上啼  
賢榻獲陪文字飲不嫌蹤跡間雲泥

送昌齡弟還鄉兼簡夢齡

東書千里赴王畿戰藝賢閔事偶違鑑水天高鴻雁集  
上原山遠鶴鷓啼夜牀風雨客情惡春草池塘詩思飛

勉力還家對燈火待看雙桂擢秋闈

時二弟赴補偶遺  
昌齡還鄉夢齡留

糶米行

詔書發稟周飢荒使君減價糶黃梁奉行上意固已良  
小人用心胡不藏斛米大半雜以糠橫索民錢名貼量  
怨語嗷嗷盈道傍我慙寸祿偷太倉見之不言咎誰當  
言之人指為輕狂作詩聊語同舍郎

送會稽林簿

日華

棄官還鄉

望秦秦望山蒼蒼未秋先作歸意濃三山深處孟園好  
林簿家有孟園松菊恨君歸不早拂衣高舉追冥鴻不將詩別  
乘崖翁年來處士徑尤捷美秩清資等閑躡君獨高歌



慕隱翰林下何曾見一人  
芋魁豆飯吾亦有深媿折腰  
貪五斗

戊辰歲嘗和韓退之贈張徹詩寄曹夢良至今  
十年夢良方和以寄因贈一絕

欲識交情久遠期十年方和和韓詩他時更踐詩中語

借隱谿山不可還

某舊詩云有溪山  
昔隱風雨無獨听

送趙可大如淞而

幕府游從盛一時之人襟宇更瑰奇西風莫作鮪尊恋

越國江山日要詩

中秋賞月蓬萊閣呈同官

中秋翫月小蓬萊風送嬋娟入座來樽俎論文清有味

湖山照眼淨無埃雲生脚底蛟龍卧影落人間鼓角催

時方見月  
鼓角声動把酒問天兼問月何時此夜更銜盃

中秋見月方以為喜既而陰蔽意殊不滿東坡

云良天佳月即中秋不以日月斷也諸君有醪

會之約復用前韵

中秋翫月小蓬萊雲捲清光不放來頗覺襟懷增梗槩

欲凭欄檻掃氛埃清宵忍放嘉賓散明日還驚俗務催

底用區區校時節良天佳月即傾杯

記夢

九月初四夜夢侍先人游家之南觀田園闢徑於杉  
林之間昌齡弟亦侍其側指杉徑云此異日歸去來



之路也覺而思之杉徑者三徑也淵明之事先君默  
啓之矣書以記之

夜夢隨先君梅溪策藜杖杉徑早開闢歸休預標榜魂  
思驚曉醒精神發秋爽披衣照孤灯洒涕書惚恍

士人僧道俱贈岩桂

岩桂來三家清標共秋風聯芳近禹穴擢秀疑蟾宮膽  
瓶金粟妍鼻觀天香通無心安區別妙契將無同

府吏有以老求退者詢其年猶未六十詰其去  
之由云欲全身避禍耳予善其知機勇退可以  
媿嗜進之士夫有感而作

升高蟬蛻墮枯壁蝸牛拈措紳鶴梁肉是亦蝸蟻徒抽

身箠楚中勇退媿此胥衣冠與刀筆未可分賢愚

觀習水勝

漢武英雄思拓邊昆明習戰遺風傳吾皇仁心異武帝  
思患姑為預防計尔曹生長行伍間操舟習水便宜閑  
異日捐軀宜報國勿效水鳥為盜賊世之善水勝者多  
為盜竊目曰水老  
鳥

龍瑞道士贈岩桂

岩桂遙從禹穴來天香全似月宮裁金風淒峭飄龍腦  
想見吾廬爛熳開

九日登巖山

九日同登古巖山眼明天濶興清閑杯傳但覓歡無  
盡



帽落俄驚鬢已斑鄉思遙馳三徑裏秋声近在八松間  
茱萸未許陪朝士賴有清流數往還

夢齡九日有詩兼懷昌齡次韵

長記去年今日好門外秋香噴沉腦弟兄隣里同登高  
把菊行觴樂非少山殺海錯鄉味佳銀瓶索酒不用賒  
醉中不記脫巾卧明日頭上猶黃花今年豈不欲行樂  
竊祿東州官事束那堪送酒無白衣旋糶黃梁買棄落  
同如與子俱休休誰能長抱離鄉憂移書問訊惠連弟  
三徑許我歸來不余前此有歸興昌齡以為不可數以書來相勉故及之

贈莊童子

名大成福州人

日誦千言七歲兒方員動靜早能知還家更讀韓公序

器業他年必大奇

送朱丞

一片秋懷似亂雲不堪行客話離群紅蓮綠水尚留我  
鉅竹老槐深憶君千里從今遙共月一樽何日更論文  
好將平昔家傳學勉力登朝立世勲朱故丞相之子

贈夢齡兼懷昌齡

我緣竊祿寓東州子亦相從千里游鐵硯功名壯心在  
短檠燈火夜窓幽治書朝錯宜登第射策公孫定取侯  
他日三人老兄弟結廬相共保松楸

和夢齡十月朔日書懷

歲事遽如許玄冥威欲伸地爐猶未火客坐况無茵日



短驚瞻昴天寒怯報寅府每以五更趨尤於對牀弟尚  
與短檠親

贈喻叔奇縣尉

叔奇攝職會稽公事之暇必訪僕於民事堂終夕論  
文欣然相得輒成小詩見意

同舍同年友天資迥不群詩文侵晋宋兄弟類機雲梅  
市訪仙侶蘭亭懷右軍叔奇嘗集蘭亭亭作詩五絕公餘時過我無  
酒亦論文

贈王吉老縣尉

王吉老眇然一書生也能手斬凶人以報母讎申冤  
請罪自投于府識與不識莫不壯之東嘉王某作詩

以紀其事好事君子必繼有發揚之者

臣子大節孝與忠父母仇讎天不同賢哉會稽王孝子  
感槩有古烈士風松楸一夕盜破冢鼠輩聞之公  
有司守法貸其命孝子銜恨無終窮誰謂書生膽如許  
貌若羸中甚武手斬凶人提髑髏請死申冤詣公府  
君不見齊襄內行世所羞春秋賢之緣復讐又不見子  
胥鞭屍報父怨太史為之作佳傳君今枕戈志已伸更  
須移孝為忠臣他年當作傳介子誓斬樓蘭雪國耻

十月望日買菊一株頗佳

秋去菊方好天寒花自香深懷傲霜意那肯媚重陽  
菊晚不害好固宜登我堂書生日頭白奚用泣馨香



聞詩生日 十月十六日

良天逢十月嘉節過三元汝父初生子聞詩也吾親喜

抱孫長成今若許氣習有餘温雁序自相友麟經可與

言志宜存遠大學必探淵源但務勤修德年齒不用論

十月十六日欲與夢齡弟及聞詩聞禮同游蘭

亭仍約喻叔奇偕行會天氣不佳喻亦以疾辭

出門而止兀坐終日懷抱殊惡

我欲游蘭亭天氣殊不佳同行感微恙杖屨不可借出

門興遽闌茲游竟未諧遺文閱未和聊用慰此懷

和喻叔奇集蘭亭序語四絕

我自扁舟入越初蘭亭已向夢中如崇山峻嶺至今阻

唱和詩成無處書前日具筆硯治詩牌竟不成往

群賢少長畢經過曲水流觴憶永和一代風流已陳迹

世殊事異感傷多

晤言一室許誰親相過無非我輩人放浪形骸嗟老矣

仰觀宇宙尚艱辛

茂林脩竹未成往游目騁懷聊自欣暢叙幽情有齊契

一觴一詠細論文

和韓退之晚菊贈喻叔奇

嘉菊何太晚十月纔黃花既晚好何益三嗅良可嗟開

日乃佳節芳樽對年家今夕苟不飲如此黃花何

夜讀書于民事堂意有所感和韓公縣齋讀書



韻

宦游寓幕府幽懷屬山林兀坐窓几間默求聖賢心沉  
潛偶會意嘆息常彌襟世塗豈能驚古道聊自斟魁冗  
思欲探丹書未容尋青銅每自照白髮已見侵事業浩  
無窮筋力媿不任丈夫固有志寧在官與金

李資深贈古瓦硯及詩

世貴銅雀硯常患偽亂真千金買渴雀虛名何足珍李  
生心好古身困道不負得此佳陶泓製由禹道人慤懃  
持贈我噐古詩清新置之窓几間日與毛穎親未能草  
太元姑用注獲麟羅文及端紫貴幸無比倫屈尔居蓬  
窓與我同艰辛研磨媚權貴揮染勞精神茲我所不敢

銘以書諸紳

喻叔奇惠川墨

子墨客卿來自蜀綉川家藏尤不惡明窓研磨出珠玉  
客卿於君德良渥嗟予經年客蓮幕交絕方兄蒞囊橐  
文房諸子亦蕭索同年於予契非薄特遣卿來助予學  
不才拜賜心愧忤客卿之意殊不樂陶泓毛穎登臺閣  
陳玄待詔同著作卿從予游失所託惟清惟靜惟寂寞  
但有詩篇日酬酢

戴夫人挽詞 同年姚筠教授母

勤儉肥家福亦肥晚年門戶更光輝滿庭蘭玉俱藍袖  
照眼雲仍尽綠衣方外客携因果去月中人折桂枝歸



回頭往事夢幻影丹旄五雲原上飛

和趙可大四絕

僧居岑寂異官居索句搜腸撚斷鬚那更雨中思底事  
夢魂歸到種山隅

右僧舍雨中

杜宇聲中春欲歸少陵老淚不禁揮與君共被浮蝸誤  
不似淵明早見機

右聞子規

唾手科名尚少年無窮事業更居前辛勤不寐思經意  
却笑邊韶好晝眠

右不寐

萬壑千岩擁越岡朝陵追念舊天王自嗟無路攀弓

劍尚忍興言及虎狼

右朝永祐陵

送黃機宜游四明名子魯

游宦東州識老成坐間談笑欲風生人如元祐氣尤直  
詩不江西語自清雪棹非緣尋旧隱夜牀端欲對難兄  
行聞太史奏星聚四皓聯珠臨四明黃兄弟四人皆皓首

盧仁及縣丞挽辭

妙齡才譽冠東嘉百戰功成暮景斜人在盧前有慙色  
禮從戴後獨名家藍田美績誰能記絳帳奇兒最可夸



鄉里播紳官業冷因公淪落倍興嗟

贈術者

枉道貴何益正塗窮亦榮誰辭談義命試問小君平

游天依寺

拂曉藍輿出蠡城稽山照眼鑑湖明千岩深處十峯好  
萬壑流中雙澗清香靄噓成普賢像風松吹作法華声  
灵鳥不肯來城郭長伴高僧避寵榮

次梁尉韵

探春連騎入山城更喜梅仙亦會盟梁後文字偶同吾  
革飲聖賢滿為使君傾安撫尚書以僚屬游山送酒六  
搜字飲詩逢好境天然好山為清流分外清蕭洒宗之

最年少我慙叨預八仙名梁最

酬陸宰用梁尉韵

收拾湖山付管城士衡獨步張文盟湧泉詩思逼人捷  
脣玉笑談終席傾天色亦緣吾輩好路人能道長官清  
要令巧匠鑄山骨記取同行八士名

和喻叔奇游天依四十韵

稽山高八雲鑑湖濶浮空禹秦有餘迹晋宋多鉅公我  
來歲及周夢寐懷清風茲欣天氣佳扶策欲曛曩駕言  
天衣游盍簪盍鴛鴻經夕戒行李如期集仙宮早會于  
聯騎出城南行行指秦峯千岩競吐秀眼界清無窮招  
提在何許十里松陰濃林端忽鍾聲與客為先容群簪



擁花界双佩鳴寒空試將比天台大畧如思豐新台烟  
秀尤絕有觀覽首讀也浩碑妙理開昏蒙細觀元白詩丘  
堂尤可經羅胸中蕭壁尚堪面詩有壁梁新幾經烘時有  
親詩公茲宮現有相禪客談無同朝陽寂蘄絕白雲抹  
其骨朝陽峯杜鵑天下無至今映山紅鷄僧始開山道  
業聞清裏思奉照不起高價傾江東袈裟縷黃金宮女  
自針工昭明親抱送禮意何太恭白馬忽渡江臺城喪  
英雄因破遺衣在丹青落塵容時舊有梁昭我輩皆書  
主意氣飄如虹塔後共尋幽寧求香火功載酒懷賀老  
招隱思戴顓賦詩效吹臺一飯敢不忠况我賢使君德  
字尤踈通楚醴餉百榼白衣走山中嗟余何為者天資

媿倥侗謬與酒中仙偶同巖山松巖山有同年妙詞章  
况有山水供古詩如古琴山高水溶溶背囊小奚奴捧  
硯長鬚僮馱綺勝游興佳作二美今具逢品題徧群英  
波瀾及孤蹤掬水弄華句比擬何几庸掬水月在手弄  
良史游也茲會如蘭亭同行類荀龍盛事在詩史奚用  
呼畫工

梅溪先生後集卷第三



梅溪先生後集卷第四

詩

州宅

鑑水稽山擁卧龍黃堂人似坐仙宮風流惟有元才子  
終日賦詩屏障中

蓬萊閣

祖龍車轍遍塵寰只道蓬萊在海間空上望泰山三望  
不知此處是神山

清白堂

堂與泉皆范正公名之

錢清地古思劉寵錢清地名父泉白堂虛憶范公印綬  
紛紛會稽守誰能無愧一賢風



清白泉

聖人達節猶憎盜志士清心肯飲貪試向卧龍山下酌  
世間無似此泉甘

觀風堂

簿俗澆風有萬端欲將眼力見應難但令心境無塵垢  
端坐斯堂便可觀

望月臺

明珠遙吐卧龍頭漸覺清光萬里浮人望使君如望月  
要須如境真如鈎

秦望閣

紙上觀秦尚過秦那堪山作眼中塵為言高閣登臨者

莫作秦人視越人

望海亭

踏雪遙登望海亭扶桑日上卧龍醒微臣望處非滄海  
只望堯天萬里青

卧龍山

鑑水連天僅可容稽山照眼五雲濃只憂旱歲無霖雨  
誰識東州有卧龍

種山

決策平吳霸業成青山長占大夫名子胥忠義無生死  
怒氣隨潮到越城

競秀閣



憲臺高閣偶躋攀萬壑千岩指顧間山色元來本無競  
人心自是錯看山

戴山

十九年間膽厭嘗盤羞野菜當含香春風又長新芽甲  
好纈青青薦越王

八松

瀟洒荀家好弟兄秦封不汚有餘清鍾成一種棟梁氣  
散作八方風雨聲

右軍祠堂

欲弔右軍千載魂祠堂荆棘斷碑存老僧相見話一  
事問我蘭亭幾世孫

鵝池

鵝鴨能鳴異衆禽池邊墨客最知音世間多是山陰姬  
應恐悞猜君子心

硯池

鳳翥龍蟠字字奇陶泓湯沐向斯池波心雨後一魚躍  
猶似青年春墨時

題扇橋

右軍一畫千金重妙意寧容市廛知明日重來堪一笑  
管城那肯更臨池

雷門

吳越興亡事若何譙門遺迹枕山阿大聲曾作雷霆震



應笑人間布鼓多

曲水閣

太守府堂所建

王謝蘭亭久寂寥茂林脩竹自蕭騷  
蔣侯近代風流守曲水流觴意亦高

西園

西園風物冠東州飛蓋紛紛爛熳游  
惟有紅蓮幕中客倚欄纔得片時留

望湖亭

杖屨登臨望鑑湖湖中一半已湮蕪  
誰能更繼東郡守長使山陰水旱無

吳先生祠

右軍宅化空王寺秘監家為羽士宮  
惟有先生舊池館春風歸在杏壇中

賀知章祠

賀老祠堂枕鑑湖霓裳羽化宅荒蕪  
無人更問君王覓轉使高風千載孤

鑑湖

曾中萬頃元才子方外孤標賀季真  
鑑水縈回三百里風流何止兩唐人

禹廟

越國遺民念帝功稽山廟貌勝卑宮  
少陵莫歎丹青落紙上丹青自不窮



菲泉

梵王宮近夏王宮一水清含節儉風越俗不知王好惡  
泉名却在酒名中

禹穴

好古貪竒司馬遷曾中史記越山川如今禹穴無尋處  
洞鎖陽明石一拳禹穴道家謂之陽明洞天

馬太守廟

會稽疏鑿自東都太守功從禹後無能使越人懷舊德  
至今廟食賀家湖

吳越王廟

一劔功成三節還將錦秀裹江山斗牛氣滅英靈泯

廟比昭王屋一間

望秦山

洛思昔有人思洛秦望今無客望秦回首長安在何處  
誰能念彼下泉人

少微山

出郭舟行十里間少微山近若蒼山山中處士已長往  
一點客星雲外閑

梅梁

結實幾調商鼎味成材宜作禹祠梁世間何歲無風雨  
鉄鎖無端誤見殃

窆石



越俗流傳素可疑退之詩云越俗不禹陵空石果何時  
只應便是專車骨未可呼為沒字碑磨滅不可曉或以  
為古碑

和昌齡弟見寄

經年游官思家鄉枕間魂夢長飛揚  
鮑越相望數百里魚雁來往安能常  
水綠蓮紅王儉幕我愧才疎筆常閣  
居官不事羨長卿執一無權猶子莫昔年  
姜被今獨眠何時更作三珠連左原  
風物亦不惡溪尊抽絲蕨吐拳阿連  
春艸詩篇好勸我歸來宜及早代笠  
亭前烟雨中共把鋤犁寧待老

懷喻叔奇已外

結得賢閔雁塔因東州相遇益相親  
凌雲三賦我慚馬清唱百篇君勝秦  
冀北郡空殊昔別江東日暮倍傷神  
同年四百二十六莫逆論交能幾人

次韻周堯夫贈睡香

長向春前臘後開要將風味闔梅魁  
名從廬阜真夢中得根自鄖山嘉處  
來風拚錦囊香不斷日烘寶蓋翠成  
堆定須移向梅谿去栽伴吾廬桂與  
槐

送陳元佐游四明

鑑水悠悠接鄞川宦情客况兩凄然  
扁舟乘興梅花月樽酒送行燈火天  
我似鄭虔官舍冷君如馮子主人賢  
虞庠春榜無多日行看香名動日邊



聞禮生日 二月二

桃水仲春月莫階變英生添丁慰盧老子慶徐郢  
得中和氣看成遠大名青春已如許勉力繼家聲

次韻趙觀使鴛鴦梅

奴視紛紛習與休芳心那肯貯離愁結成冰玉岳堪侶  
開伴紵羅施鄭流影照婢娟如並卧枝橫清淺似双浮  
不知他日調金鼎勝得櫻桃氣味不

亡友孫子尚彙葬會稽山大禹寺之側某至官  
八日出郊訪其墓不獲明年春被命祀禹訪而  
得之又明年春再往酌酒因植柏十根哭之以

詩

壽 昔相知似弟昆那知半世死生分無緣更飲盃中物  
想見能修地下文有媿乘車葬元伯僅同解劔乎徐君  
他年儻色參天處是子會稽山下墳

子尚墓種柏

子尚乃如許壯年墳已荒我来親種柏含淚待蒼蒼

鄭夫人挽詞

好谿太守非常好慈母端如孟母賢熊膽調成真器業  
魚軒游徧舊山川顏間日有平反喜方外時修香火緣  
身世九嶷家萬石定應含笑向重泉

錢夫人挽詞

忠孝之家文亦良教傳彤管有遺芳彙碣舊擢儒林秀



桂子新飄月窟香方擬魚軒霑寵渥遽驚風樹變凄涼  
稽山鑑水青春暮殘露聲中恨更長

連月不雨農事失時府帥決獄廩飢德政動天  
需然而雨某吟成律詩一章以賀

旱魃為灾罕似今需然一雨慰群心非關菩薩解為澤  
自是使君能作霖躬慮滯囚寃尽釋廣開表廩惠尤深  
佇公歸國調元氣散尽愆陽與伏陰

次韵濮十太尉喜雨

去歲秋大水民食方苦艱丁壯尚流離而况白與班今  
春又不雨事與安危閑使符下列郡呼零舞童臺裏  
責老龍貪睡何癡頑我聞救灾術迺在人事間與師古

有衛决獄唐稱類年因乎伐有雨送輶車還嗟此旱魃  
聖和氣知誰干半歲幸一雨人心寧不歡麥秀禾可植  
田里庶少安上紆當宁憂吏責亦稍寬我家蕭峯下山  
長路漫漫東臯有先業頗亦知艱難歸耕願及早免起  
將蕪嘆

叔父寶印師往永嘉妙果院未青年而退弟子  
德純往龍翔一日歸省其師亦退居林下緇素  
挽留之乃遁於異郡不踰月間師弟子相繼退  
休識者高之目為僧中二疎某竊祿將一考矣  
有規二高僧因書一絕庶幾他日或蹈其高躅  
云



掛冠林下近來無誰謂僧中有二跡應笑紅蓮幕中客  
故園三經已荒蕪

寄黃簿文昌

六一移書責司諫聲聞命避徂徠茲風不作已久矣  
吾子所為何壯哉在列諸公頗有魏附炎群小瞻應推  
要須終始全名節莫遣心隨利祿回

次韻獲十太尉題禹穴

粟瀛三十六名郡越在東南雄四鎮宛委周回三百里  
中水山川有光潤泰山鑑水蘊秀異人物風流夸漢晉  
傳聞禹穴自太史好古無人若為問下篇退之詩云越俗  
好古不傳失其  
真杖屨飄然尋洞天照眼千岩若攢刃細看盤石心愈

疑遊想丹書日氣猶振禹貢無傳豈其闕道甲所書何足  
訓真倫叙自九疇錫水土平繇五行順洛書六十有五  
字王業巍巍此途進八卷飛沉天與泉茲說荒唐理難  
信吾儕去古恨大遠企首難窺禹牆仞穴傍有井清且  
甘一酌端能洗驕吝

薛師約撫幹召飯于圓通寺主僧滄茗索詩

綠暗梅欲雨風蕭麥初秋官舍厭早濕僧廬訪清幽儒  
餐慣蔬飯道話便茶甌鑑湖倘容覓杖屨時來游

潘知縣向弟撫幹時和詩復用前韻

微公氣節橫清秋風流屬猶子曾整羅奇幽詩  
寫繁華名字宜金甌州縣聊爾耳行矣天也游



酬富陽張叔清縣尉

天香遙傳到越城，入懷珠玉照人明。登科雅服才名早，  
莖仕喜聞官業清。空把交情對山色，採詩有吳山空要  
今音問讀潮聲。忽忽作谷無他語，莫羨人間勢利榮。  
周德貽得子以錢果為賦僕不獲為湯餅客賀  
之以詩

雙鯉來從古嶧州，喜聞英物誕東州。清和時節綠陰滿，  
秀異谿山佳氣浮。分貺金錢意殊厚，欲為湯餅客無由。  
乃翁指日身龍虎，况有奇兒氣食牛。

喻叔奇迎侍赴桐川榜其堂曰戲綵書來求詩  
寄題一絕

桐州綵捧斬宜威，首闢萱堂上壽危。堂上慈顏笑還語，  
老萊文采媿吾兒。

女子生日 五月十二日

吾女何時見薰風，欲半時年齡今稍長。禮法要須知好，  
讀班姬誡休吟謝文詩。萱堂有慈母，淑德可為師。

范文正公祠堂詩并序

寶元間文正范公自潤徙越，治先風化。一日獲廢井于  
州治之西，澄而新之，易舊堂築新亭，俱名曰清白。視官  
師也。閱歲浸久，舊刻弗存。紹興戊寅，秋吏部尚書王公  
來師是邦，暇日會僚屬于茲堂，酌泉煮茗，修筵公故事，  
慨然歎曰：自漢迄今，守茲土者亡慮數百人，莫賢於范。



堂與泉盡其甘棠也記其可以不刊又謂公自筮仕據  
桐川與郡帥邊所至立祠獨越無有於典為缺於是求  
公遺像得之於其家比它本為真乃命工繪之即其堂  
而祠焉明年閏六月庚申躬帥幕僚祀之某作詩以紀  
盛事

堂堂范公真天人配我 仁祖為元臣材兼文武懷經  
綸先憂後樂不為身上與夔高相等倫正色朝端批逆  
鱗三黜愈光名愈聞一麾東游禹所巡作詩懷蠹祠李  
真卧龍山麓井父煙縷而汲之清且新堂于其旁記厥  
因名標清白垂不泯規爾官師意諄 洗貪濯盜思還  
淳人亡迹在嗟已陳斷碑往往埋剝榛後人不識真天

人但能日飲堂中春堂越以清白使君好事賢且仁治民  
律已惟公遵登堂感槩懷斯文刻石繪像揚清芬丹青  
炳耀如麒麟凜然如生見如親躬修祀事率幕賓手酌  
寒泉羞澗蘋一酌清我僚吏民再酌為國清簪紳要將  
清白風無垠庶俾范公遺志伸公乎為仙為明神為澤  
為瑞為星辰當宁焦勞思若人九原喚起清靈

次韵梁尉秦碑古風

會稽秦頌德碑丞相李斯篆世傳在秦望山莫知所  
在教授莫君好奇嗜古搜訪尤力有言碑在何山者  
莫以語某何山見於圖經在秦望東南疑其真秦望  
也某欣然欲往職有所拘以告會稽尉梁君梁慨然



而行登山果見之碑石僅存字磨滅已尺墨片紙而  
還作古風長韵具記始末因次其韵且記吾三人好  
事之癖亦以示後人也

姬嬴遺迹存者希世傳石鼓稽山碑石鼓揄揚得韓子  
文與二雅爭驅馳秦碑夸大頌功德埋沒草莽無人知  
或言出頂石猶在上有虎豹龍蛇螭神藏鬼護荆棘叢  
崖懸磴絕登無收廣文好奇穴探禹梅仙喜事僧尋支  
支通昔游越中好山水梁我贊其行要親覩勿受世俗  
仙宿雲門訪古迹於曾流傳欺望秦望秦兩嶄絕何山壁立東南涯豐碑屹植  
最高處不知磨滅從何時剔苔掃墨了無有模糊片紙  
亦足奇濃雲霧對巖將雨古木槎牙蟠老枝歸來走筆

出險語訶政叱斯同小兒詩成得得寫寄我詞嚴意偉  
法退之我聞秦人滅六國酷若犬噬臨江麋先王法為  
秦所負負秦况有秦有司五經灰飛儒戮血堯舜周孔  
何能為上蔡獵師妙小篆奴視俗体徒肥皮東封太山  
南入越大書深刻光陸離沙丘風腥人事變鬼飢族赤  
誰嗟咨漢興萬事一掃去惟有篆刻餘刑儀磨崖欲作  
不朽計其如曆數不及期蚩尤五兵紂漆器人物美惡  
寧相庇我雖過秦愛遺畫南山入望頰支頤不須嗚陽  
訪棗刻不用迂史觀雄辭虛堂默坐對此紙閉眼暗想  
君勿嗤要知秦碑没字本却類周雅無辭詩

府師王公中秋宴客蓬萊閣分茶賞月于清白



亭某以幕寮與焉坐上成二絕

使君開宴小蓬瀛  
幕客參陪亦與榮  
茗煮寒泉飲清白  
酒斟佳月賞分明

白髮青衫老幕官  
蓬萊秋月兩年看  
與來端欲乘風去  
不怕瓊樓玉宇寒

又和趙仲永撫幹二首

冰輪飛出暮雲端  
更向蓬萊頂上看  
端似虹橋翫金餅  
絕勝華屋見銀盤  
光浮酒面杯尤滑  
清入詩腸句不寒  
又與鑑湖添勝事  
一時賓主盡鴛鴦

千岩競秀越王州  
地勝錢塘與虎丘  
龍卧半天頭吐月  
鑑湖千里影涵樓  
宴開秋色平分際  
人在蓬壺最上頭

不負良天更輸我  
此中此夜兩年游  
去歲中秋與同僚賞月蓬萊閣今復

與前會同游諸公皆不在焉

再和

崢嶸高閣聳雲端  
萬壑千岩坐上看  
八百里朔寒鑑壑  
二千年回卧龍盤  
金風吹面掃殘暑  
明月入懷生嫩寒  
見說神山正相偶  
醉中端欲駕仙鷲

家在東嘉山水州  
玉簫丹竈古仙丘  
兩年秋月登蓬閣  
千里鄉心繞謝樓  
作賦端同北窓裏  
思歸長詠大刀頭  
與君何日脫塵鞅  
杖履逍遙物外游

又用看字韵酬趙仲永

紅蓮分幕忝同官  
秋月揚輝並席看  
白好湖山添秀氣



談清齒頰帶微寒

故參政李公挽詩三首 光字太發

一代高明學三朝骨鯁臣淮南憚長孺楚國忌靈均死

尚憂王室生寧問大鈞姜山同現首千古次行人

方回功尤著朝端氣最剛身能縛元齊城不陷睢陽思

奮少連笏耻同素蓋堂永嘉瞻五馬遺愛可能忘

公在南荒日迹危名愈尊芝蘭坐竒禍瓜葛醜諛言斥

去確臣力生還聖主恩衛公精爽在何用此招魂

九日與同官游戒珠寺用去年韵

九日重登古巖山勞生又得片時閑菊花今歲殊不惡

蓬髮去年猶未班藍水楚山詩興裏鑑湖秦望酒盃間

醉中同訪右軍迹題翁橋邊踏月還

題仁皇后挽詞三首 代安撫王尚書

媯州嬪天子塗山毓聖人聰明配昭猷慈儉維宣仁湯

沐寧私已園陵不病民鴻休擢彤管無復數城嬰

八帙年無憾三仁謚有輝 國朝仁宗皇帝宣仁皇后

瑤池燕仙侶窈石荃遺衣忽覩龍輅去猶疑颯颯歸塵

情哀不尽淚向禹陵揮

代邸迎歸日炎曷喜中興解將天下養惟有聖人能方

慶朝長樂俄驚望猷陵寢園祇奉處擁紉淚壅膺

胡氏挽詩 陳氏王尚書



婺女生賢文端宜配德星登堂飲姑乳調膳教兒經子  
舍春猶盛孫枝葉已青韓碑紀遺懿彤管繼芳馨

次韵喻叔奇追感去冬天衣之游

去年同會類高陽蠟屐登臨雅興長可但山光向人好  
更欲天氣為吾良路經禹穴深懷白目對秦峯遠憶黃  
天衣在秦聖山下按朱育日線又添人正遠尺書千里

尉相望

次韵劉判官大辨見贈

篋藏詩墨尚澄鮮長記東嘉共綺筵游宦俱為蓮幕客  
異鄉重見菊花天謝池一別真成夢鑑水相逢似有緣  
小小園林吾欲老看君功業上凌烟劉丁卯在蘇州

凌烟多少  
功業之句

趙仲永以御茗密雲龍薰衣香見贈仍惠小

詩次韵

天上人回餅賜龍香沾衣袖十分濃明珠照室光生豔  
三絕全勝萬石封

仲永再和三絕復和以酬

間世宗英學海龍交情尤為野人濃天香御茗分奇絕  
盡是慇懃手自封

手汲寒泉碾小龍天香一炷滿衣濃與君慷慨論時事  
欲吐丹心上實封

長記中秋踏卧龍尚餘詩興至今濃羨君豪邁如韓子



聯句猶容李正封

寄題周充夫碧梧軒

鳳凰梧棲竹實食胡為使之在  
只練開軒種梧高幾尺  
鳳兮鳳子聊爾息莫羨風微燕雀高一飛定展冲天翼  
覽輝瑞世鳴朝陽此梧長向人間碧

留別民事堂

二年宦東州民事了無補俯仰媿斯堂何以報  
明主故家蕭峯下歸耕及春雨平生剛畝心感繫聊自許

題雙峯資深堂

書生紙上誦糟粕釋子舌端談葛藤道在湛然方寸地  
不知深造有誰能

我到雙峯尋寶月為留一宿話資深但能造得儒宗語  
使是能傳佛隴心

雁山門戶此中入南北兩峯相對尖我與林泉有盟約  
問師覓取一峯潛

千峯已見見雙峯甌越山川在眼中吾祖吹簫定何所  
會須乘鶴訪遺風亦峯之西南

堂名石刻兩俱存令我深懷舊長官學道資深更深處  
居安能使庶民安周問祖昔令紫清有遺

宿靈岩贈長老敏行

蓋與謝公嶺杖屨矩羅室淨名訪維摩一菴僅容膝尋  
僧畫屏中往往多八十平生看不足靈岩最奇絕老禪



蜀中來心印傳佛日脚力窮天下稱此為第一茲山昔  
未開藏閉最深密倘不遇熙朝造物肯容出孫公賦  
天台勝地尚遺侯我欲續金声願借山中筆

梅溪先生後集卷第四

梅溪先生後集卷第五

詩

已卯臘月七日解官離越十九日至家明年正  
月二日被命除秘書省校書郎卜以八日行  
書二十字

梅花照歸眼春色戒行裝君命不俟駕安敢懷故鄉

次韵馮員仲正字湖上有作

甌蜀異鄉客西湖同日看浪花隨去棹風絮逐歸鞍水  
浸吳天澗山涵佛界寬春光無限好共規縛微官

次韵趙仲永悠然閣

越絕山川深更深不須登覽自來臨胸中丘壑忽相遇



眼底塵埃無復侵得趣早同彭澤徑把杯時赴廣文襟  
知君指日歸天祿莫負平生閣上心

次韵 皇子建王題明遠樓

百尺崇珠邸恩隆地更親壯侔巢鳳閣危切飲牛津  
淨全無礙心明自不塵登高宜暇日為善及良辰  
炳燠瞻宸畫沉潜味道真中藏書中端得趣筆下已如  
神語帶江山好名隨棟宇新應憐天下士蝸舍不容身

劉韶美辭試館職

學問稱博洽向後無此劉太一然青藜逢君天祿游給  
札試玉堂故事久不修遴選先實才聞之輒掉頭我迺  
行祕書肯隨鈿槩流三日掃虛室佇想心悠悠張羅君

不顧竊食吾懷羞西風吹蕙葭倚玉嗟無由

再用前韵贈韶美

平生少相識摸索能記劉東南小蓬萊二年同官游  
濯纓鑑湖水佩蘭以潔修自倚翫辭門不減富貴頭西  
吳江瀾委身謾乘流回首望故鄉天高路遐悠慷慨君  
自喜伊優吾亦羞乘桴倘有志願言呼仲由

次韵韶美送刘夷叔二詩時夷叔已死

蜀山高岩岩英物世非少青藜郊金子高步絕雲抄思  
苦鳴輒悲詞深誼難曉知音有古人紙上自傾倒我昔  
賢閑游相逢粲衣表東歸拜言贈篋笥至今好重来已  
鬼錄魂魄蜀天渺蓬山訪高躅空舍不停繞定尋窮蓋



郊相酬類双鳥莫作人間來世路轉難拗

右悼夷叔

西南有佳士岷峨秀甸中標高語更妙寫出岷峨容青  
天道路難冥々慕蜚鴻翩然下人間海闊洪濤春尋幽  
入禹穴杖屨誰相從萬卷蟠腹笥一榻眠禪叢時來訪  
予語自媿賢非戎世態冷處薄交情淡中濃去歲鑑湖  
別分甘老岩松行歲果誰使離合清無窮田園有深約  
耘耔當自充異時甌蜀間林下見兩翁

右贈韶美

皇子建王生日 十月二十二日

黃花過後梅花前雲披霞日烘青天月良陰剝陽欲旋

熒餘八莢時半千鬱葱佳氣燭星躔 帝子來從天日  
邊淑質岐嶷貌端然少親師傳學問專六籍與台能心  
傳百家諸司咸窮研餘事翰墨工詩篇平居為善心奉  
孝君親忠孝尤兩全放遠声色塵管絃明窓自結賢聖  
緣吾皇知子能擇賢斷自宸衷愛不牽九重一日丹詔  
宣歡声喜氣溢幅員王自愛思無愆仰佩天眷奉周  
旋保持王体如臨淵日親端士遠倭便紙上興衰鑒古  
先誕宸未邸錫玳筵鼎來福祿方綿綿不須丹竈求神  
仙不用具葉慕真詮誠存性蓋萬善圓身與國壽俱千  
年

寄新替日與夢齡昌齡弟



去驚看曆日新官情尤憶故園春吾鄉親旧如相問  
為道明年已五旬

送查元章二首

聖主德寬大小臣言激昂虜情殊未測淮甸可無防直  
氣思開日寒威誤隕霜芳姿等蘭蕙摧折更芬香  
肝腦不自愛精忠為上殫危言犯顏易直道立身難去  
國名逾重還家迹始安相將吾亦去林下掛衣冠  
祕書省後園備竹可愛胡正字憲有詩次韵  
不俗更嫌俗風枝時拂墻青々映蒸燭細々雜芸香勁  
節老方見清陰寒欲藏蕭疎似吾輩味向靜中長

魏邦式通判挽詞

挺挺魏公後重聞別乘賢有時同正觀無地上凌烟雨  
足嘉禾穗風清婺女蓮吟魂招不返遺恨越江邊  
耆舊嗟零落公年又不長雙旌空入夢半刺橫罹殃子  
舍三珠秀吾鄉一鑑亡平生可書字椽筆有星郎  
張郎  
猷作行狀

次韵程泰之正字雪中五絕

幻玉蜚花濕帝城蓬萊燈火冷中清人間草木舊相識  
傾刻還驚面目生

栖烏驚起天無月化鶴归来頂不朱錯認湖山作西子  
眩人疑是玉飢膚

點綴工夫巧更奇崑崙玉果半藏麩嗅梅咀雪欲腸斷



况讀高生人日詩人日雪

預知禾麥定登場六出挽先瑞衆芳更喜江梅自蕭洒

不緣摧壓減清香

卧聞征雁作回音遙想吾廬玉滿林乘興扁舟定歸去

草堂深處伴猿吟

泰之用歐蘇穎中故事再作五絕勉強繼韵

君詩雅勝五言城白雪篇章分外清不許同僚持寸鉄

筆尖戰退老書生

寒侵睡思那成夢酒著衰顏誤抹朱待詔先生應怯冷

餐氈使者可稱膚

穀精蜚處人為日冰鑑頃持律應難照耀元宵更盈尺

不容燈火占新詩

煮海神功不計場逼真吟燭奪春芳東君深恐成堆積

急遣雷公喚阿香

夜靜微聞折竹音驚禽河處更投林寒生習氣無絲掃

遙對湖山忍凍吟

趙仲永和東坡汝陰雪詩并舉趙德麟賑濟故

事見示遂次其韵

不作秦人視越人深憐里舍甑生塵恨無廣廈容寒士

安得洪爐煖曲身中水照人俱有艷珠幾滿地不憂貧

憑誰扶取浮雲破莫待功成始放春

次韵洪景盧編修省中紅梅

介甫詩功成始放春



不為怕寒貪睡遲東君妙意端可知雪英零落眼界寂  
教此孤瘦紅南枝蓬萊更向逸遠地烟在着中木寧有  
夭饒姿冰容戲作桃杏色醉臉雅與神仙宜江兄蠟友  
已前輩黃生後出非同時丹心獨與勁節侶疎影共浸  
清漣漪騷人相顧最不惡何用車馬紛蚩蚩與友莫昔  
共携酒對華一展思鄉眉

李德遠寺簿敢言勇退今之古人也東嘉王某  
賦詩以高其行

吳山蒼蒼烟靄橫皇都日日春風生利塗徒徑走輪轂  
古道荆棘惟君行吳江洪濤拍天洑萬楫千帆日相踵  
六鰲入釣猶不歸急流知退惟君勇斜川勝事今臨川

錦抱風月追謫仙芋魁豆飯吾亦有脫屣有媿君翩然  
我輩情鍾惜離索為國惜賢情更惡江頭送別春尚寒  
回首冥鴻已寥廓

省中黃梅盛開同舍命予賦詩戲成四韵

照眼非梅亦非菊千葉繁英刻琮玉色含天苑鵝兒黃  
影蘸瀛波鴨頭綠日烘喜氣光燭鬚雨洗道裝鮮映肉  
此梅開後更無梅莫惜攀條飲醅醪

送王嘉叟編修上書薦張和公

上書請劍人未復胡鄴編修昔亦以書開口薦賢君又行堂  
上伊優笑絕倒紛紛去國皆狂生措紳敢言似慶曆風  
俗漸美如東京手措老眼看除目一遷一去知誰禁南



昌別駕亦不惡三王高閣尋宗盟吳江漫漫楚天闊  
君一葉春舟輕

送陳阜卿出守吳興自察院出郎未幾得外

臺閣輟名士符竹分帝憂播紳有清議欲為朝端留才  
名四十年翫骸成白頭方開公道口遽中說人鈞觸邪  
狻壯志歛惠施一州命義二大戒能言亦能由作命義  
天下之大戒論去矣雪水清孰障天下流願言如季路  
李者至今傳誦乘桴共公浮

次韵程泰之除醪

青春果作堂堂去啼鳥喚春春不住明珠萬顆玉為錢  
欲買風光嗟已莫蓬山地冷花木稀祇有寒梅已先雨

誰遣虬枝上高架稍覺雲陰覆行路雨餘景物猶未佳  
葉底精神不多露鼻觀疑聞班馬香姿比何郎更風度  
平生惜春如惜別老眼待花如待哺幽亭相對止三人  
草草杯盤為花具時同舍考試能泰之負仲某在館

送胡正字憲分韵得來字胡上書言事得祠還

生早賦婦去來為韵

武夷之山高崔嵬武夷先生賢矣執山中高卧似孤竹  
顏蒼節勁清無埃吾君養老過西伯不遠千里歸乎來  
曾中萬卷可醫国首薦廊庙真人才胡上書為人言朝  
奏暮必逐天顏獨為忠言開崇文三館不浪闢端為天  
下收奇瓌平時論議即涵養富貴豈以三緘媒西京老



儒作符命蒼黃授閣良可哀何如皇朝有歐范開口不  
憚千霆雷故忠文正公先生學力到前輩一時盛事  
光麟臺宸重宵旰急忠謹佇觀前席延鄒枚先生掉頭  
竟不住扁舟自載高風回道山游從後英雋顧我晚進  
寧容倍梅花滿枝柳弄色賦詩送別同銜杯吾亦三徑  
亦荒草松菊恠我何遲徊

四月四日祀赤帝于慈雲嶺淨名寺祀畢游易

安齋至江次送黃子升通判還鄉

祀罷燈花喜山游晚色新江頭送歸客我亦是行人

送太學生徐易歸天台

天台古仙山藥物固非一采之言可延厥品惟參朮茲

誠籠中物不可亡一日良醫苟能用可治天下疾

章季子教授惠顧渚茶報以宣城筆戲成三絕

春回顧渚雪芽生香味尤宜祕水亭搜我枯腸欠書卷

飲君清德賴詩情

白齒新芽不出山青囊誰遣到人間午窓驚覺還鄉夢

紗帽籠頭捧兔班

季子以青囊紗盛二兩云乃真  
顧渚零陵佩不出山絕品也

雪水書來寄葉嘉中山人去代瓊華定將絳帳鑄人手

散出毫端千種花

趙仲永和胡正字竹詩見贈用韵以酬

憶昔游蓮幕獲登君子墻蓬萊醉秋月龍鳳啜天香臺  
閣子將集山林予欲截新詩似循竹風味更高長



張閣學挽詞宗元

南渡已三紀衣冠今幾存傷心失遺老回首慨中原去  
國權臣力全軀聖主恩致君堯舜術妙意託空言解公嘗  
公在南昌日含沙禍竒語蜚無限謗獄具不過詩天  
道何嘗遠人心自太危蓋棺公論定盛德合豐碑

寶月師刻予舊題以寄因書二絕

資深堂上偶留題多謝高僧不掃泥更與慙懃琢山骨  
惡詩傳到浙江西  
冊府經年已倦游夢魂隨雁到峯頭山中老宿如相問  
為道歸期不待秋

五月十八日去國明日宿富陽由山懷館中同

舍

去國懷明主離群念舊游翻令到家夢終夜繞瀛洲

寄馮員仲

相見惟言去吾今去已成著鞭先幾日不及送君行

釣臺

漢高嫚罵四皓隱周武干戈伯夷餓南陽故人幸無失  
先生胡為亦高卧清風却在夷皓上千古真能激貪儒  
客星夜向釣灘明想像年時臨帝座

嚴州龍門院滿散天申節

掉弭龍門下誠馳天闕邊平生剛直意祝聖更惓惓

宿永康縣黃塘店觀稼有感



路入黃塘喜更疑地名雖是里間非子家之東十里地名亦曰黃塘眼中禾稼已如許薄有田園宜且歸

永康有嶺名花錦被

要將山水替埃塵六月還家不憚辛炎暑厭聞花錦被  
清涼宜近竹夫人

舟中偶題

綠水客星瀨薰風嫠女谿來尋處士隱歸向斗中棲

游石門洞

雁山飽見兩龍湫洗眼新觀石洞流欲向故鄉尋白鹿  
先來仙隱訪青牛請牛道士破荒喜誦劉郎句躋險思  
從謝容游天下林泉看未足分將身世早休休

林明仲自梅嶼挈舟招丁道濟道揆張思豫及

予同飲索詩坐間成六絕七月朔日

君家梅嶼我梅溪一笑相逢郡治西明仲別館在城西予假之踰月要  
使衆山同對酒芰荷香裏具親携

右贈明仲

塘餘春草遙思謝樓面蒼陂重憶劉揚播詩云吳興樓下

昔共游今孰在蘆花飛雪上吾頭予昔游

同舍泛舟有共乘小艇穿芦花向今二紀矣訪舊多在鬼錄而予已老慨然傷懷

右懷舊游

五人二百六十五尊酒相逢非偶然把手共為他日約

莫緣富貴負林泉時仲明五十六道濟五十四道



右贈諸公

遙岑出碧明雙目境入韓詩已飽參湖上軒窓對遥碧  
新詩寫出舊城南

地環碧玉軒窓瑩舟入紅雲笑語香下筆慚無少陵句  
老懷徒愛宋公莊

宋侍即別業亭思遠樓之南有軒名遥碧

右題宋莊

西岑風物冠吾鄉十里烟波興味長不用扁舟鑑湖去  
餘生甘向此徜徉

右題西岑

梅溪先生後集卷第五

梅溪先生後集卷第六

詩

次韵昌齡至樂齋讀書

端慕顏回樂真同陋巷居息心容膝地得趣滿牀書  
短燈宵未窓明日晷舒相看有脩竹心為主人虛

寶印叔示詩且索碑刻以南明山六大字為獻  
隱器仍次韵

不才詎可登臺省早問君王覓閑冷聊尋商嶺綺与園

未羨雲臺冠并耿掛碑滿屋寧療飢來詩云滿屋嗜好

與叔真相宜試寄南明六大字想像年少西游時

寶印叔辯上人各贈瑞香花



小小園林意自憐全用別詩一句名花十八擬唐賢瑞  
香一種來潛澗學士新添兩少年

曹夢良自許峯來訪留山間數日賦詩十章  
復出四絕見贈次韵

徑荒猶有淵明菊囊澁寧求季子金老矣此身何處著  
入山惟恐未能深

謾有忠懷徒耿耿恨無長策掾元元張儀舌在知何用  
莫莫休休且勿言

平生風義慕相如筆硯從游二絕餘直許交情定金石  
肯同餘耳但光初

與君連夕燈前語勝讀千年窓下書八斗文章千里足

未應低首掾桐廬

先人舊題東山墓亭三絕

入堂無復見雙親此字元犯何此來寧似在神天地  
深恩難以報含悲唯有淚霑巾

門枕青山戶傍谿青山流水助悽悽雙親既遠神何在  
對此追思獨怨啼

新築茅廬澗壑園山光水色共依依野人不為閑中趣  
誰會朝來與暮歸

某辛巳妹婦自武林省先隴遂修亭於澹溪流

因思先人舊詩已隨屋壁壞矣尚能記憶遂追

和



殘生無計可榮親一見松楸一損神惟有青山知此意  
晨昏長戴白雲巾先龍在家之練其山  
重葺山亭濬舊溪杖藜來往獨悲悽追思四十年間事  
風為哀號鳥為啼

丘木森森已十圍滿林清蔭可棲依每憂樵牧傷松柏  
游宦三年兩度歸

送萬先之赴清湘教官

早歲声名滿上庠青衫今始赴清湘得官已晚豈宜冷  
行路正難那更長平昔心期良不淺異時官業可能量  
鵬程九萬從今日行見飛飛到帝旁

送曹夢良赴桐廬力掾

年少論交老愈堅交情尽在和韓篇短檠業共賢閑舍  
淡墨名同桂籍年筮仕暫為三語掾摘詞行踐八花磚  
許峯佳識亦聊耳何止蓬萊山上仙瑞按有辭峯  
鷄黍相尋豈偶然論文尊酒荷留連秋風初送雁群至  
禽木喜聞鶯友近勸我鑑湖行甚力送君釣瀨去無緣  
願將清白師韓范從此高堂有四賢  
需次家鄉五載遲便便腹笥愈添圍才如子建豈論斗  
性類西門能佩常車馬戒塗君欲去田園迷徑我未歸  
男兒所尚惟名節莫墮人間富貴機

十月朔日偶書

去年此日對清光聖德能容一介狂言畧施行非不遇



身雖踈外亦何妨

剪拂花木戲成二絕

洒掃衡茅端欲老剪裁花木自為春  
權門炙手非吾事  
祇合立園作散人

蔓中蔓夷莫許侵好花封植待成陰  
每於小小園林裏  
長抱倦倦酬畝心

小小園十月杜鵑花盛開有共帶雙頭之異因  
以數語記之

一聲杜宇啼春風明朝緋掛千山叢  
歲寒此色豈易得  
那更朶朶雙頭紅共帶聯芳友于愛一吐一舍分次第  
這物私我小園林此花大勝金腰帶  
杜鵑中有名金腰帶者

題月師桂堂

道人以月名身以桂名堂曾中負所有志在丹霄旁冠  
巾倘可加唾手得天香惜哉已世外此志終莫償山中  
作堂侔月窟禪定吟餘思清越要令坐上生清風須使  
心中似明月

十一月二日自金谿訪錢用章于白石覽山川  
景物之奇以東道之姓為韻

朝離文君故宅邊莫尋謝守舊行田  
湖上與有黃羊嶺白石俄開洞府天  
兩派崢嶸鳴玉澗一聲款  
乃釣魚舡王孫占得湖山勝  
明月清風不計錢  
同錢用明用章游白石岩



謝公好山水得郡古東甌造物惜佳境雅志多不酬松  
蘿蔽雁蕩烟靄埋龍湫行田徑白石不到仙山頭寥々  
數百年天付黃冠流巍然萬仞崖壁立東南州誰將補  
天手化出白玉樓兩龕藏洞府中有群仙游上通赤五  
天下接三神州飛泉落岩腰碧澗鳴山陬群峯真培塿  
滄海為源溝隘視人間世萬象同蟬蛸我家雁山陽崎  
嶇厭經丘翩翩錢公子呼我尋岩幽初驚小雨密忽掃  
群陰浮杖履窮噴坑一洗塵埃眸山林有真樂富貴何  
足求但願乞二山不願萬戶侯

又書岩上

十里湖山翠黛橫兩溪寒玉闔琮瑋路從飛鳥上頭過

人在白雲高處行岩下行田謝康樂洞中辟穀李先生  
凭欄不瞰人間世轉覺此心名利輕

脣玉泉

白石岩脣脣玉泉佳名初自長官傳渾疑齒頰水霜論  
終日霏霏落半天調開詩名是泉曰脣玉東坡有贈周  
齒牙

李少和像

少和辛苦學飛仙遺像今猶在洞天都似先生能辟穀  
何須太守為行田

游東際

白石三峯下懸崖七際流穿雲水汨汨朝海去悠悠石



是誰家婦俗呼石峭立龍居第幾湫俗云舊平生不行險到此即回頭上有六際

次韵寶印叔觀海三絕

載地浮天浩莫窮氣營樓閣登虛空道人妙得觀瀾術  
萬里滄溟碧眼中

榴屿何年改玉環

木榴屿一名木樞屿俗傳避錢玉諱故改名玉環

望中猶是

舊青山遺民不記當時事惟有湖声日往還

誤入蓬萊朝未央至今魂夢記微茫扁舟欲効鴟夷子  
遙望滄波興已狂

李鎮夫闢圃築堂效孟氏之養吾表兄杖屨其間得日涉之趣其來游名堂曰雙植因書三絕

不到君家幾換春眼中風物一番新吾園小小知何用  
不似茲園可養親

琴書得趣有真樂軒冕倘來何足干種德種花兼着力  
要須留與子孫看

繞堂花木隨宜種堆案文書取次翻我待衣冠掛林下  
杖藜時復到君園

劉長方自豫章寄書稱怒焦蠣房之美恨未知  
味書一絕以寄之

珠嶼小蠣圓帶石怒焦巨房深若盃吾鄉此味亦不惡  
故人游宦盍歸來

怒焦在沙角海中本日如焦子易之曰怒珠屿在大芙蓉小蠣絕佳

寶印叔得小假山以長篇模寫進士欽逢辰和



之某次韵并簡欽

越絕天台温雁蕩萬壑千岩各形狀錢塘風物更奇絕  
杖履年時記曾訪歸來戲闢小園林十里西湖藏甕盎  
一寺以甕植蓮有湖云是悠然入眼皆吾山羅列軒窓一  
何壯止菴道人真有道種竹蒔花近丘壑何人好事贈  
假山渚澗新添小屏嶂却疑遷徙從平泉更恐飛來自  
秦望嶠飛來石飛來世間賈物何止此沙佛儒衣龍亦象  
道人於物意豈留異日從教散天壤花木篇章兩游戲  
林下高風真可尚來游蓮社有詩人句比昌黎更豪放  
我休說假復論真真假假通通同歸一相

次韵昌黎西園十詠

黃楊子婦自武村黃楊指枯命  
去藤蔓台藟復有生甲與吾同樹已蕭疎我亦翁藤蔓稍除苔蘚去  
歲寒猶解傲霜風

葡萄

滿架龍鬚卷復伸堆盤馬乳釀青春潑陪一斗宜延客  
莫博涼州學漢人

脩竹

至樂齋西碧玉竿清陰時過酒杯寒明年春長纖纖荀  
解籜當為漢帝冠

梅

拂雲脩竹逸吾家竹裏仍栽第一花好句更同林處士



月黃昏後影橫斜

桃

欲留王母盤中核，兼採秦人洞裏薪。此事渺茫花笑我，不如聊賞故園春。

李

長念詩人詠子嗟，團欒繞樹日欹斜。水盤行薦炎天食，不用東門學種瓜。

杉

記得先人手自我，森然千尺盡成材。翠絲結作思人樹，它日兒孫豈忍摧。

桂

丹霄休歎路難通，學取燕山種桂叢。異日天香滿亭院，吾廬當似廣寒宮。

柳

何幸先人有獎廬，不妨同種柳千株。垂陰覆地寧無日，作雪漫天肯似榆。

菊

百花春放菊秋榮，霜裏鮮鮮照眼明。歲晚不妨開自好，何須三嗅泣繁英。

題如存亭壁計二期五期

不見慈親已一星，佳城松柏慘然青。此生難報劬勞德，空對銘碑涕泗零。



年來游宦遠松楸越雪吳霜帶滿頭乞得祠宮養衰病  
白岩香火共僧修

劉義夫欲與先隴植蘭寄數根

思親何忍陟南陔采得幽蘭紙自哀寄與東山劉孝子  
佳城側畔好親栽

義夫許贈丁香蠟梅

劉郎不獨種桃花蠟藥柔香更可嘉臭味相同林下友  
後今花木亦通家

予植十八香丁香曰柔香取世詩丁香体柔弱

義夫以趙清獻諫垣集易柳文次其韵

文集何須較少多有無相易共漸磨憲甚清獻柳州柳  
唐宗人才未易過

雁山僧景暹求文記本覺殿

歸來欲効老夫潛喜見游方舊杜暹本覺殿成功德  
媿無筆力助莊嚴

又六言

筆下何曾有口囊中更媿無錢聊把一言讚嘆助成此  
段因緣

書不欺室

室明室暗兩何疑方寸長存不可欺勿謂天高鬼神遠  
要須先畏自家知

人日有雪竹間種蘭

人日又飛雪臨安羊人日大雪竹林仍種蘭  
舊嘗於竹間種蘭陽浮眉



瓊父風泛馥檀栾花點黃金勝叢依碧玉竿世間桃李  
眼肯向此中看

張思豫主簿送丹桂蠟梅

通家天上張公子桂種遙分月窟香三徑慙慙自栽植  
異時會見五枝芳

蓮幕何人送此花不容一藥污貧家歸來自覓清河種

馨德如人最可嘉

予在越幕有送蠟梅者卻之  
同僚有蓮幕風清不受梅句

余全之贈菊栽十二品并示三十絕走筆二絕

酌之

老覺山林興味長歸來三徑嘆荒涼分君嘉菊二十品  
增我東園十八香

余即蕭洒似何郎事業它年未易量寄我新詩三十絕  
筆頭直與菊爭芳

二月二日焚黃天色開霽賓游並集存沒有光  
悲痛之餘因成鄙語

三釜深悲不逮親九天命下賁雙墳痛將淚雜香醪奠  
忍見衣隨告墨焚漠漠濃陰初閣雨暉暉煖日旋披雲  
餘生難報劬勞德猶有孤忠可報君

送陳元佐游剡

杖屨昔游剡夢魂猶至今欣聞戒行李遙訪舊同襟數  
學功相半淵源力可尋池中神鯉足時為寄鄉音

雙桂



先人於井之兩旁植雙桂不知其幾年矣木陰茂盛香聞遠近某偶得一石立為墻角書雙桂二字以識之因成小詩以懷遺德并示子弟壬午閏月十六日先人植雙桂馨德滿吾廬不老兒孫長聯芳合似渠

東籬

我豈規彭澤茲籬偶在東悠然見山處仍向菊花叢

左原詩三十二首并序

樂清之東三十有五里群山環繞地名左原以其居邑之左也中有左嶺左湖左口皆以左名之予七世祖自杭徙温家于是原地雖荒僻有山水足以自娛予丐祠得請日與兄弟隣里有杖屨登臨之適原中景物可資

賦詠者各識以詩凡三十二首壬午三月

東高山左原有四高山在乙辛丁癸之位術者曰宋家尖也

峯頭日出已停午山半雲橫疑在天要使名如越山重直須人似謝公賢越之上虞有東山乃謝安石高州也

西高山西高山者數峯稠疊前山如几俗謂西最多術者謂之推節山

壓頂花枝紅欲燎道前旌節開如訶倚窓拄頰時時好何止朝來爽氣多

南高山山在縣治東北俗呼縣後山夜聞更鼓聲問有也名小雁蕩

山後風來聞縣鼓蕩中秋至集賓鴻我歸種菊東籬下



長在悠然眼界中

北高山

予家之後山也左原之山惟此山最奇秀巖然如削舞狀上有尖峯

群山如圍秀回環秀拔群山是北山我恐山中猿鶴怨移文未至已先還

龜山

俗呼黃峙術者謂其得龜形

衆山環遶一山橫形似真龜勢欲行不向九江資納錫臨溪曳尾自全生

卧虎山

在原之水口形如卧虎舊有溪祠俗呼由山

昂然虎踞一原東回首眈眈氣象雄不放衆山隨逝水溪頭高卧自威風

梅溪

在北高山之陽去孝感井二十步溪天至小其北溪之南有水六帶通

謂之梅溪溪名舊失莫知所自予植梅以實之

我向梅花溪上家幾看清淺浸橫斜手栽木已如人老雪鬢蕭疎對雪花

揚谿

梅溪東流四十五步合原中數水而為揚谿稍大楊氏世居焉故以姓得名

一澗泓澄會衆流眩分俄類葵溪頭辛巳秋水臨溪更種青青木故事端同柳柳州

戲綵岩

原之西山有岩如屏上有尖峯俗曰白岩然岩色闌班如施五采故以戲綵易之

烟霞屏障列西岑戲綵標名自始今我過岩前每流涕班衣空有老萊心

杜鵑岩

有戲綵岩之東岩頂稍平上多杜鵑花故以花得名予家寒食九日必登是岩



游宦三年樂事遒  
岩花笑我鳥催歸  
歸來又被岩花笑  
笑我登岩何太稀

杜鵑花一名岩笑子還家將一載竟未登岩

杜鵑岩北一拳石石面平平堪弈碁路僻山深罕人到

爛柯仙客未應知

在巖采

龍卧靈湫志未伸時時噴水撒行人雖然未採蒼生旱

聊欲澄清世上塵

松羅岩在原之西北有山隔之四面壁立可梯而登上平北有水可汲能容數百人產

松羅木因以得名建炎間有謀避難是岩者予嘗往觀之非活路也

挿天萬仞絕攀躋岩頂松羅不是栽廊庑須材作梁棟

人間斤斧可能來

障岩在巖采岩之北壁立如障其色青黑有石方而直聳而有稜長者數尺可植庭宇間

岩如法吏面清冷石似端人真直方誰解移茲障邊境

大羊安敢肆猖狂

人面岩在原之西

看盡人間古與今蒼顏一任鮮苔侵豈惟有面如人面

更喜無心似獸心

天柱岩有二一在三井之北一在松羅岩之側

雁山一柱挿雲霄三井松羅柱亦高蓬壘深懷杞人念

擎天端賴柱堅牢

樸頭岩在原之西北地名烏石頭田間



開處身宜及早抽山林遲我掛冠游不須花裏尋腰帶  
且向田間置幘頭

宋家尖 在東高山

皇恩西被復東斬四海蒼生尽仰瞻畎畝微臣尤戴宋  
結廬長向此峯尖

小雁蕩 在原之南山以雁得名

歸雁行飛集澗阿不貪江海稻梁多峯頭一蕩雖然小  
飲啄猶堪避網羅

左嶺 在原之南山

北望吾廬山最好南通蕭寺境逾幽嶺之東南白雲夜  
向原中宿幾度隨人過嶺頭

左湖 在原之東又

漁樵歎乃日相呼舟楫生涯在畫圖我與漁樵同隱逸  
不須乞作自家湖

萼湖 在揚溪之南吾鄉無萼菜

水晶銀線滿湖中先人詩云莖抽銀遙與吳江氣象同  
我輩他年厭游宦思歸應不待秋風

南瀑布 在南山之下

飛瀑來從小雁蕩靈源頗類大龍湫矩羅尊者不須占  
乞與山翁取次游

北瀑布 在原之西北山

茲潭誰主復誰賓清世寧容有隱淪獨我山林養衰病



不妨來作主潭人

斯水澗斯之南有左嶺水北流入于原中水善  
曰斯斯則雨雨斯則霽霽水忽鳴忽上

嶺頭寒澗遠無聲夜靜風恬忽自鳴山水有靈人不識  
老農常用卜陰晴

雁潭實明于北因命是名  
原之西南三井山之下吾先人九日嘗集

九日登臨澗水濱蕩中征雁亦來賓如今雁至應相感  
不見名潭舊主人

三井原之西南山路崖險人迹罕到予宣和辛  
丑春從先祖先人時居是山九三宿見溪  
潭多游魚俗傳井舊有龍

源泉高似銀河落石井泓然鼎足分閩說井中魚已化

定從三級上青雲

孝感井予家有井稍大俗稱大井王家宣和壬  
人釣于井而得之非素無魚蓋孝感也張大  
秘書挽先人詩云玄鯽適釣誠養親張後為工  
部尚書

綸竿臨井重欵歎誠感幽潛遂獲魚鮮道隨釣得玄鯽  
秘書好句實堪書

白岩庵在白岩之東吾祖捨山掃明慶院而立  
是帶四山環合形如蟠龍前到南高山  
形如舞鳳

飛鳳吹埽思竹實庵山蟠龍高卧恋山泉吾家松檟今

三世僧舍鍾魚已百年吾高祖母葬庵之虎山晉曾祖

平地先姓葬于菴  
後山



賈公庵在南高山之下司理賈公塋其母兄嫂于此築菴命僧守之賈公名如規字元範

賈公名德重吾鄉慈母難兄寔此崗手種松楸及因果  
青山流水共高長

如在亭先人塋大父母于東山立亭以亭之有神先人附塋其側某名其亭曰在來詩中語也

東山一到一霑巾記得先人昔念親強把茲亭號如在  
松悲柏慘見無因

如在亭先妣墳亭在白岩椿

北堂猶綠舊時萱寒暑無絲復清温戲綵岩邊白雲下  
慈顏彷彿尚如存

小小園納涼

屏迹立園世事輕澹然滋味似孤僧平生頭學昌黎伯  
宰相三書獨不能

贈甥萬膺

詩書為田筆硯耕着意治此清白生它年門戶大可必  
東平有孫吾有甥

萬孝傑用韵見寄酬之

堂有慈親養且耕游從毛穎楮先生新詩寄我尤清絕  
深喜牢之有外甥孝傑刘氏甥也

題從姪御莊

風雨漂我廬無地寄食宿小阮知所敦舍我道旁屋震



凌得幘幪幸免涇塗辱明白歸舊巢鷦鷯一枝足壬午秋七月

月戊申大風飛屋枝木予先人癸亥丙庶推壓來寫是在九月旬以八月己巳至舍書于莊壁

萬孝全惠小龍團  
貢餘龍餅非常品絕勝盧仝得月團豈有詩情可嘗此  
荷君分貺及籠官

### 梅溪先生後集卷第六

### 梅溪先生後集卷第七

詩

赴召壬午六月十一日上受禪二十一日有  
行在首除臣某知嚴州九月二十一日召赴

聖主龍飛纔十日微臣得郡古嚴陵詔書又趣歸天闕  
頭竭孤忠贊中興

曹夢良贈炭感成一絕予時為郎夢良為嚴州司戶

烏龍書至送烏新郎舍嚴冬覺有春未暇吞為啞口漢  
且須煖作直身人

宿學皇同官時為司業宿學私試

不聽梧桐兩回頭已六年齏鹽詩舊味燈火結前緣進



學思韓愈同襟有鄭虔諸生不待勸忠孝素惓惓

某去五月罷館職還鄉塗中以詩寄同舍云去

國懷明主離群念舊游翻令到家夢中夜繞瀛

洲今以史職復至道山訪舊或遷或去惟後園

脩竹乃故人也感嘆良久因成短篇

蓬萊隔弱水三年兩來游群仙各何之翩然蛻神洲園

中舊籜龍勁節含清幽手摘歲寒葉恍惚乘歸舟

馮員仲赴闕奏事士君子咸歆其畱聞為魏公

所辟勢不可奪遂成鄙語無簡查元章

名德重夷夏皇朝兩魏公平准已得愈論將更資馮報

主男兒志知恩國志風書收良馬去異比遂群空好書

寄馮云問元章為魏公所知裴度幕中得韓退之賦不  
足乎矣元章時為機宜員中為江西運判召來奏事

程泰之郎中以詩三絕覓省中梅花因次其韻

長記蓬山舊賞梅芳樽一笑共君開重游未見梅花面

應誤君詩得得來

詩似西湖處士詩十篇三絕鬪清奇更將正味森嚴句

壓倒屋簷斜八枝程未篇云花中結子酸連骨正味森  
嚴衆苦之待得和羹渠自會如今莫

竹亭不到幾經時來往逢梅似退之遙想吾廬溪上好

十分鄉思又闌眉

胡秘監贈詩一絕

司業口占絕句奇甚銓輒用韻和呈効吳軀



南山舊說王隱者北斗今看韓退之不須覓句花照眼  
行見調羹酸着枝

慕依韻奉酬

平生恨未識剛者今日豈期親見之欲把江梅比孤潔  
江梅無此歲寒枝時胡丈同館中諸公見訪因留小酌  
予舉和程泰之梅詩至到屋簷斜入  
枝句胡頗稱賞和枝字韻  
以贈

胡秘監醑醑詩

銓彗乃具賞石渠醑醑用坡韻呈同舍

醑醑獨殿春得路未為晚露葉張翠繳月葉明玉懣沈  
粧雨亦妍暗麝風更遠唐時真宰相勁氣凌諫苑危言  
工切刺壁立萬仞嚙帝為釀此花以賞頌盡婉清芬濯

千古天河豈須晚不妨便醉死聞香定覩返唐憲宗以

醑醑也酒未若此集真

某次韻

秘監彗真道山集群仙嘗醑醑和東坡詩真雅會也  
某偶以私試鎖宿不與遂次其韻

紅紫紛爭先醑醑分甘晚誰裁群玉府童童翠張幘幸  
共芬芸香韻隨官逸遠館中醑醑在著廷之  
後者作即号逸遠官吳用燃膏  
藜端能照書苑先生海上歸平步到蓬嶽招邀飲醇酎  
剛腸出清婉遙思吳宮魂故作楚辭挽勿為花所留與  
盡要知返

館中三月晦日聞鶯為胡邦衡有詩用東坡醑醑



韻有居側無詭人發口不須婉句某次韻

久傷伐木廢每嘆吾生晚黃鳥徒何來喬林綠垂幃忽  
作相呼聲朋來無近遠高翥凌雲烟斜飛集池苑中有  
幽谷次遲遲下遙巘群音巧相和出語獨不婉啞啞如  
老鳥聞者弓欲挽知心有杜鵑勸爾故園返

上賜講讀官建茶其以說書與馬以十餅分贈  
太學同舍芮太博輝有詩次韻

天表初容咫尺親雲龍重拜太官珍賜後 明主恩尤  
溥分及清流事更新搜卷要須嘗七椀乘風便合到三  
神諸公異日沽君貺願寄江湖老散人

四月後駕詣 德壽宮與諸公會食于和樂樓

是日借洪景嚴承旨馬戲云後駕濫騎承旨馬  
朝天叨綴舍人班謝為起異日再集胡舍人班  
衡云不可不成篇也遂於樓中足之

殿砌經幄侍清閒學術空踈規在顏後駕濫騎承旨馬  
朝天叨綴舍人班登樓雖喜民和樂論事還驚世險艱  
聖主英姿同 藝祖諸君何苦恋湖山時議欲乞後  
有異論者 故云

周登和樂樓韻酬胡邦衡送別兼簡劉韶美秘  
監

未訪鄱陽范與顏顏魯公范文正雁山深處且投閒紫  
泥長記曾同召丹陛何繇更對班我媿未行平日志公



應不創昔時，眼筆端能制。人生死兼有，劉郎在道山。新

郵而二公如故  
去國九月十日

去國常憂國，還家未有家。先人弊庐為君恩報無所，含媿出京華。

### 重游釣臺

三年兩游釣灘，濤來往何曾補一毫。聖主雅恢光武量，微臣當遂子陵高。

揖棹祠堂下一天星，斗明客星尋不見。影浸釣灘清

過發女同年王節推夷仲黃教授萬頃鄉人董主簿子周會飲雙溪樓

年時嘗泛發溪舟，未上清風八詠樓。天為故人償夙願

辛巳五月至發溪夷仲諸同年有水知吾輩喜清流沈

郎不為吟詩瘦，王粲長懷去國憂。明日山川共入遠鄉情，年契兩悠悠。

### 游仙都

皇都歸客過仙都，厭看西湖看鼎湖。洞接龍泓片雲近

有龍山分雁蕩一峯孤。雁有石柱壁立如香清天上碧

落音好林間青鳥呼，天遣林泉尉吾輩。木容身世老塗塗

游洞谿舊名惡溪因段成式改名好溪有

段公不到溪豈好，李守已亡詩更奇。偶向思賢亭上坐



愛溪魚愛昔人詩

重游石門洞

石洞幾時關石門長不高貪看一冰水三載兩回經  
誰把銀河水直從天半傾好流入世去一洗四維清

寄趙喻叔奇亦好園

喻子有園堪養親栽花種竹清且新堂中戲罷即策杖

叔奇有母家在家有此何憂貧弟兄既好園亦好與

伯壽同大勝吾家園小小兩園松竹懷主人他日歸來

各須早

種蔬

癸未孟秋歸自武林小小園荒蕪之甚遂課僮僕畦

以植蔬近得微雨頗有生意潛潤老叔分葱韭教十

本及菜子一二種今冬百指可以無饑矣書十五韻

歸來日彈缺食無肉與魚却將種花地叮咛毓嘉蔬驕

陽每抱甕時雨親荷鉏青青有生意令我顏色舒寧憂

饑與飢亦有瓶中儲前身老閻梨或云予前身嚴閻蔬

氣端未除文字亦宿業復生魚蠹書蠹書仍食蔬苦淡

味有餘况茲清淨根分來自僧居端能納須弥聊爾秀

郊墟洗我腥羶腸詩云声名暫羶襟宇生清虛豈

惟陶淵明吾亦愛吾廬荒園涉成趣枯藤當安輿困梳

案頭卷飢著盤中迨孔門陳蔡色借問何如予

予素不善茶孫先覺萬大年林大和見訪戲與



對壘偶皆勝之因作教語

予手不善談臨局氣先怯偶逢孫萬林三戰輒三捷都  
緣敵不勅非以臺威脅孺子濫成名凱奏意殊愜三君  
皆壯士小挫未肯厭予今務持勝堅壁不容劫予昔在  
與同舍郎陳阜卿手談既而陳廷臺察一曰相予基  
公處云陳今有臺威公必敗予偶勝之陳笑曰公果不  
那畏臺威

大年和基詩復次前韻

君基如龍且初笑韓信怯我基似公瑾赤壁真橫捷但  
知貪旁角不覺攻背脇主人本無競勝負兩俱愜嘉賓  
儻再集麋戰定誰厭新篇尤逼人我輩徒劫劫

太白晝見太白晝見久矣予是日始  
觀見之八月二十六日

煌煌太白生東方追逐殘月生光芒太陽中天不肯藏  
過午一點猶微茫太史占之此何祥咸憂兵起人流亡

金行用事多災傷六月十五日大風水七月朔日又作  
八月二十一夜地震自秋七月不用

浙西飛大風地震水旱蝗有一于此宜預防雜然並見

何以當臣言天意未可量滔天赤地興堯湯偃禾拔木

悟成王宋景一言國乃昌災異不作憂楚莊吾皇修德

應彼蒼去讒遠佞任忠良推誠納諫正紀綱內修政事

仍外攘誓雪國耻還封疆強虜當弱吾當強天與時本  
與時本

明強國弱天戒為福非為殃願勿徒以虛文禳

荆婦夜績

涼颯墮黃葉促織催女工鬢絲不堪織細君哀我窮青



燈績深夜績成寒素風頭為隱者衣德耀隨梁鴻

術者謂子命犯元辰故每仕輒已予笑曰有是哉戲作問答語

問君胡為八臺省問君胡為官輒冷宣尼猶且畏元辰  
羊鼠龍猪作君梗退之宿直斗牛箕舌名誇毀常相隨  
死生窮達端有命予知之矣當安之

再至雙植堂呈表兄李克明

此日一樽酒再游雙植堂湖山浮野色草木帶秋光  
道德已孰西風花更香相看俱老矣會合意尤長

九日寄表兄質司理并

某昔從潘先生學九日登鹿迹岩嘗賦詩呈諸長者特

年十七今閱三紀矣當時和者賈太孺潘先生劉謙仲  
覺閣梨皆一時詩人也某猶能記其畧數老人化去久  
矣思之慨然司理丈鹿岩賢主人也佳節必盛集某恨  
不獲奉樽俎輒成古詩十韻以記舊事并以蒙泉酒鳳  
團茶為壽

憶昔從師學絃誦年與賈生相伯仲某詩與諸賈昆九

日登高鹿岩脊感物題詩筆初美舊游回首半零落三

十六年真一夢當時唱和三四老尚有殘篇可吟諷今

年節物身在家行樂山間謾隨眾弟兄勸我登高山身

似駑駘不容輕兄弟里欲同登高某以時多河東先

生今靖節有酒寧須白衣送朋尊聊獻菲蒙泉泉酒下蒙



雌趣有菲泉最下品酒賜茗仍分小團鳳願公一飲壽  
千齡三物年年敢馳貢

九日不登高與兄弟鄰里就弊舍飲菊

中秋對明月

中秋亦就家賞月

九日逢黃花節物豈不好而况

身在家樽酒醖鄰里盤飧魚鯁何必登高山清歡自  
無涯

仙居陳少曾寄錦石杯書至乃九日也方與坐

客把菊遂用以勸酒

九日登臨有雁來書傳坐上手親開呼兒滿酌黃花酒  
為子深傾錦石杯

僕夫浚井得雙鯽一鰻未及烹也藏之泥水間

予見而放之因作數語

三秋不雨泉脉枯僕夫浚井欣得魚刀砧已具未及殺  
我偶見之魚再活親投不敢使校人圍圍洋洋生意新  
莫嫌井小思滄海尺水相忘聊自在

得張大猷尚書書云比每進對屢以待御為

言而邦衡舍人言尤數切云云某為郡邪所疾

獨見知二公因讀邦衡和和樂樓詩復用前韻

一月霜臺屢犯顏未回天聽已身間愛君憂國寸心赤

感物傷時双鬢斑文舉才疎意徒廣字雲思苦語尤艰

尚書左史雖知我超海應難挾太山

次韻題寶印林蘭若堂



何處名蘭若依山結草堂花枝法雨潤心地佛燈光淨  
世囂塵隔空門歲月長林間有啼鳥聽法亦來翔

藤杖

頭角槎牙萬歲藤徧身節目更稜稜山僧贈我非無意  
要我清閑亦似僧

予還自武林葺先人整廬淨掃一室晨起焚香  
讀書於其間興至賦詩客來飲酒啜茶或奕棊  
為戲藏書數百卷手自暴之有小園時策杖以  
游時遇秋早驅家僮浚井汲水澆花良天佳月  
與兄弟鄰里把酒盃同賞過重九方見菊以泛  
觴有足樂者每覽鏡見蒼顏白髮亦聊自歎也

作小詩十五首

掃室

洒掃學者事陳蕃胡不然要令天下淨端自室中先

焚香

掃地眼塵淨焚香心境清案頭時一炷邪慮不應生

讀書

八政慚無學還家更讀書翻同小兒輩相共惜居諸

賦詩

秋興最難遣詩懷如亂雲雖無小陵筆一飯不忘君

飲酒

我意豈在酒銜盃聊樂天客來同一醉客去獨高眠



啜茶

盪與金華講賜沾龍鳳園却歸林下飲更媿是龕官

奕棊

元景老尤惜忍銷杆奕問娛賓欠絲竹一局戰清閑

暴書

秋日更可畏所宜惟暴書反身還自笑均是蠹書魚

策杖

園小日思涉山高時欲登老來疲脚力興至策枯藤

汲水

汲井得銀放之明日水漲面清僕夫云銀能穿石限通泉脉故戲汲之

山中久不雨汲水欲何從一夜井泉達靈鯁恐是龍

澆花

花木正憔悴秋陽那更驕驅童綆深井聊助化工澆

賞月

還舍八十日三逢明月圓停盃試一問歸去定何年

采菊

既晚開何益采之聊泛觴書生自頭白奚用泣馨香

覽鏡

可正宜頻覽無塵亦自磨少陵今老矣功業欲如何

浚井

旱久井垂涸汲多泉更渾浚教泥淨盡何患不逢原

酬林明仲寄書并長篇名季

江頭一別九十日路隔烟波望欲迷風送雁群來雁蕩



書從梅嶼到梅谿美音筆力能豪健贈我詩篇過品題  
謝客江山富觀覽城南河日手重携

昌齡欲游白石興盡而止予亦思前年之游遂

次其韻

前年蠟屐遠尋幽洞府曾經一宿留詩句親題碧雲裏  
夢魂時到白石頭風生見說欲飛去興盡何如且罷休  
他日相呼老兄弟飄然杖履共翔游

洪丞不負軒

坐此軒無媿問君何以能所行皆是學不負豈惟丞鳧  
鷺文書靜槐松詩思凝博陵徒種績踐履亦何曾

周丞奉挽詩同年周敏卿父

平生義方教真是起家嫌有子願已足無心官自來興  
隨鳩杖送情為雁行哀想見長塘水淒涼遠夜臺

黃岩趙十朋賢士也有詩云四枚豚犬教知書

二頃良田佟有餘魯酒三盃棊一局客來渾不

問親疎予亦有東臯二頃兩子皆學讀書客至

則奕棊飲酒遂用趙君詩意成一絕

薄有田園種斗升兩兒傳授讀書灯客來一局三盃酒  
王十朋如趙十朋

陳商英挽詞

貴似金張富石崇紛紛老死利名中退居不見香山老  
肥遁誰知秀野翁商英字溪上園因種花關牀頭金為



好賓空潛然痛念公兄弟二十年前筆硯同

陳商霖挽詞

疇昔游從分不輕十年鄉校讀書燈德星會聚三兄弟  
詩社追隨八友朋之音在招仙館有八叟去國悲涼老三

繁還鄉牢落失陳登誦君生死炎涼句斜日寒天涕滿

膺商霖嘗有詩云生死交情誰念旧炎涼世態幾迎新

萬清之有詩三絕呈司理賈大并簡某因次其

韻

燈花端為故人然留客殷勤為擊鮮更覺門闌增喜氣

冰清玉潤兩俱賢清之司理婚也

世路塵埃逐日生康岩高卧自風清吾皇有詔求遺

逸行見臨雍拜老更

甘言恥効蜜翁翁逆耳空餘剛畝忠願子他年似房杜

好將一語記文中

再用前韻

論文尊酒意歡然蠟炬高烧夜色鮮得壻端同權相國

傳經更似老常賢

右呈司理

僚壻欣逢舊友生人如玉謝氣尤清十年前已心相許

細看新詩貌愈更

右酬清之

士論鄉評重乃翁賢如狐突教兒忠治安策就吾且賦



宣室開時夜正中

右贈大老詞理

未臘而雪豐年兆也大老有詩次韻

明年禾黍定千鍾瑞雪挽先舞曉風更願平淮捷書至

西平禽賊獻司空

主人開燕倒金鍾坐客俱吟柳絮風應念人間有貧者

爐星撥尽酒瓶空

雪中寄梅花與清之大老

天花除惱臘前雪香藥報春溪上梅分贈鹿岩龍亢友

異時俱是百花魁

題夢齡五桂堂

我昔曾栽會趣堂子今封植更芬芳勝它福峙三珠樹

賽却東嘉五馬坊

永嘉五馬坊

靖節柳青寧耐久大

夫松老恨無香何如移得蟾宮種不媿靈椿竇十郎

寄鯉魚與萬大年

江楓搖落江梅破江上詩人有佳句欲於龍穴覓明珠

試遣鯉魚傳尺素

梁府君挽詩

蘇世登科

兩郡三鄉賴保全乃翁劍學不虛傳黃巢詎敢臣周朴

趙勝那能爵魯連仁里化成儒氣象心田種得佛因緣

奇兒自是青雲士行見榮光燭九泉

永嘉盧仲脩永年袖文見訪酬以短句



地僻原名左天寒歲欲徂遙遙屈佳客得得訪潛夫一  
第且恩子八篇真起予有論蜚聲衆四傑誰復敢前盧

林明仲和詩復用前韻

晏戰夷吾卒霸齊棘棲鳶鳳暫沉迷探春想見登梅嶼  
乘興何訪泛雪溪樓上清歡庾公興橋間壯志馬卿題  
四場筆力媒身策平步青雲豈待携

張器先和詩復用前韻

心欲齊賢媿未齊遠蒙佳句警昏迷音如鼓瑟鏗清廟  
味似煎茶鬪建溪憂國非同長卿病感時端類少陵題  
二松豈是淹賢地鳧鷖文書謾抱携

寄蒲墨與明仲

四友共文房蒲君最異常研磨發文采好去奉仇香

寄沈敦謨

名希臯  
瑞安人

二十年前舊友生緘封遠寄見交情舊游回首多零落  
大器如君合晚成

送謝任之

七歲吾從乃祖游童蒙深媿未能求堪嗟四十五年事  
昔未累頭今白頭

梅溪闢館子來游回首如今二十秋端似韓張互傳授  
要令編刻紹箕裘

去年還家已半年盍簪尊酒數留連歲窮送別溪頭路  
手把梅花思黯然



題雙瀑

女媧石爛幾經修天漏猶餘兩派流離合無心元不爭  
朝宗得路却相投干雲寶劍真同氣出蕩神龍不異湫  
雁二蕩一龍一湫一何用築門防俗駕林泉自是少人游雙瀑亭  
洪丞命工起廢氣象一新且  
欲築門以防俗駕故及之

癸未守歲

歲宜鄉里守杯共弟兄銜明日人相問行年五十三

張器先復和詩作五言以寄

短棹別孤嶼故山歸左原遙煩雁足字重到雀羅門歲  
月添新老文章憶舊論見詩如見面氣象有餘溫

萬孝全贈金華洞石名雪西遙峯作進退詩次

韻

天關金華一洞奇洞中石是化羊遺渾疑雪向閩山落  
更訝峯從天竺飛谿上又添乘棹興案頭如照讀書時  
故人重我膏肓疾田不荒蕪應亦歸

元宵鄰里携具就弊廬張燈辭之不獲因成一  
絕

凶年猶幸在家鄉鄰里相過具豆觴我輩忍將燈照眼  
游人多是火燒腸

祈雨不應

歉歲還鄉益困窮瓶無儲粟酒尊空醉經且學文中子  
閔雨難祈應上公



自秋七月不雨至于春二月十九日僅得雨昌  
齡作賀詩予未及和而雨止矣遂次韻以閱之  
水旱年年費請求仰勤湯禱與堯疇何時三十六雨足  
當宁免懷雲漢憂

一杯未吸甕頭春

雨以故率

嶺三疊聊歌雨裏塵不用

遽與風伯訟洪羊真是可烹

社日喜雨復用前韻

社日簷間不断流淵明欣啟事西疇頭言一飽均黎庶  
穀粟無儲不用憂

欲放乾坤萬里春要須先洗庾公塵朝紳賀雨詩多少  
誰是詩中諷諫人

家食遇歉有飯不足之憂妻孥相勉以固窮因

錄其語

淵明事高尚甌中缺儲粟魯公稟名節乞米給饘粥廣  
文富才名官冷飯不足少陵老風騷掾粟拾山谷嗟予  
何為者處世真碌碌謀生一何拙甌石無儲蓄三年兩  
去國囊橐罄水陸還家索租苗不了臘與伏前秋遭颶  
風摧折數間屋今年丁大侵破甌塵可掬絕糧瘦百指  
告糴走群僕鄉鄰苟不揀定恐填溝瀆家藏千卷書父  
子忍飢讀一字不堪煮何以充我腹細君笑謂我子命  
難食向去歲官基省僥倖食君祿有口不三緘月奏知  
幾牘聖主倘不容寧免遠竄逐歸來固已幸富貴非爾



福東臯二頃田得雨尚可穀子耕我當耘固窮待秋熟

聞小使胡昉抗虜不屈

上甚嘉之有旨命右揆撫師仍有和不可成

之語皆出睿斷宗社之福也昌齡有詩次韵

用儒端可復侵疆活國何勞別取方文帝要須親御馬

子卿寧患遠看羊撫師暫屈黃扉老論將寧答白首郎

行見車書混天下豈容南北分三光

昌齡四月十九日得男請名於予命之曰暹

端似中山夢得詩海中仙果子生得况當首夏清和後

更遇千秋啓建時是日格建祝爾頤同彭祖壽命名聃

効小蘇兒蘇黃門子由子名吾家種德已數世庭戶合

生蘭與芝

山丹花

四月相將莫山丹開始都其心本來赤正色自然朱百

合晚仍俗石榴繁更麗誰將僊竈藥花裏看工夫

梅溪先生後集卷第七



梅溪先生後集卷第八

七月三日至鄱陽

我來鄱君山水州山水入眼常遲留絕境遙通雲錦洞  
被仁縣舖絕清音下瞰琵琶洲  
鄱有清洲干越亭前  
晚風起湖入鄱陽三百里曉來一雨洗新秋身在江東  
畫舫裏

次韻何憲子應喜雨

亢陽誰謂不為災飢饉連年甌有埃旱魃忽隨冤獄散  
雨師遙逐使車來平反盡欲歸中典調燮端宜位上台  
更喜詩如杜陵老江流坐穩興悠哉  
謀至人郡而正爾  
寬望天半忽驚霖雨來





登綺霞亭用喜雨韻

六月西征遇旱灾，脩途千里踏塵埃。  
雷公俄喚阿香去，霖雨便隨流火來。  
天入滄浪游楚越，雲翻擺種憶溫台。  
綺霞亭上一回首，鴻目湖山壯矣哉。

追和范文正公鄱陽詩

郡齋即事

理郡端如理亂然，范公往矣欲誰師。  
典刑猶有堂中像，光豔長存壁上詩。  
未報國恩嗟老去，不逢人傑恨生遲。  
一尊坐對鄱江月，耿耿忠懷祗自知。

游芝山寺

出郭上崔嵬，山川亦壯哉。  
三芝誰來去，五老欲飛來。  
懷

古情無盡思，鄉首屢回論。  
文一尊酒天色為吾開。

登綺霞亭用碧雲軒韻

郡亭臨大澤，霞障截塵紛。  
有色祗因日，無心元是雲。  
滄浪隨郭轉，欵乃隔江聞。  
文正已仙去，佳名千載芬。  
亭正

名公

降聖節詣天慶觀，因謁顏曾公。  
范文正公祠堂用贈御賜名道士韻

顏范遙同異，代心琳宮香火道。  
緣深詩家風味，今誰在定訪，  
弥明與共吟。

觀文正像用贈傳神道士韻

天然形貌寫何難，難得靈臺上筆端。  
朋黨論興三出日



不知誰作正人看

移竹植郡齋之東用懷慶翔堂韻

手移修竹傍牆栽老眼青青為竹開獨坐書窗誰是伴  
清風時作故人來

十月望日同官會飯薦福送酒

鄱水同僚摠不群公餘相與共論文遠公蓮社恐無酒  
輒効江州王使君

生日示聞詩聞禮

哀哀父母生我勞生日不見徒悲號今年偶然夢三刀  
二千石向鄱陽叻身雖五馬已二毛烹羊擊鮮斫蟬螿  
殷勤為壽勞尔曹願尔它年著綵袍二親無恙年俱高

更与諸孫持壽醪滿堂賓客來英豪會看醉臉如仙桃

木蘊之即席和文字韻詩酬以二絕

少年才氣已超群場屋能摘錦綉文糠粃在前真有愧  
春風得意豈如君

回頭遙念蕩中羣把酒欣論坐上文臭味聊將比兄弟  
大馮君与小馮君

觀郡守題名再書一絕

濫與江湖岳牧群於中敢慕范希文人才相遠心相似  
均是憂時與愛君

項服善知縣和詩酬以三絕并簡林致一教授  
膽落庭中雁鷺群寧容摘紙舞微文鄱陽賢令知多少



惟有鄙君与項君

牧養功成鮮敗群絃歌声裏出詩文只愁桃李春風逝

卧轍無由駐令君

無錢令尹陶彭澤有道先生鄭廣文預約它年還故里

共騎白鹿效文君樂清乃張文君騎白鹿飛仙之地

題薦福寺莫之堂

休休有室宜歸早莫莫名堂去恨遲禪老相逢應笑我

休休莫莫定何時家有休之室

哭馮員仲

一代奇男子哀哉命止斯共天終不忍蹈海亦何辭下

惠已三出照鄰俄五悲煩言何足辨公論不容欺

身為多才誤朝無一日安寧為獨醒鬼不作附炎官夢

斷吳江冷魂歸蜀道唯郡齋揮老淚重取近書看斷得

過江州書

陸居士挽詩撫州人有子六人子九齡在太子

槐市訪同舍麟經推阿戎傳家知有子種德本由公遺

訓皆新語多男類陸終佳城在何處楚尾白雲中

洪帥陳阜卿寄筇

均是蓬山逸遠官夢中猶問竹平安籜龍寄我知君意

要使剛腸飽歲寒

次韻何子應題不欺室

公如憂国房玄齡我如鄭公思批鱗隆興天下同正觀







下千篇謫仙李向來衣冠拜偽楚我乃  
宋臣惟有死何曾着眼癡宰相况官低顏  
聰御史天邊卿月落九疑口誦離騷吊湘  
水誅茅築室小東山天下蒼生望公起種  
梅志欲調商鼎持斧夢刀聊爾耳公生長  
安我東嘉天遣邂逅鄰江涯筆頭一語真  
戲劇却將鉄面擬金華軒譙和顏范祠堂詩云鉄面金華自是金閨彦金  
口褒揚兩朝眷未須歸去金華山行將入  
侍金華殿

閏月三白三首

閏月生明後初四日江天未臘時風翻禹門浪花糝月  
宮枝桂枝花枝照夜皎珠樹秀庭祥玉枝定知年大有何  
正麥相宜

迎臘雪三白未春花万株神山森玉府天象粲台符  
吐水流峽鼎成風擊湖鬢邊絲可織四皓盍添吾

占盡一陽月分為六出時自初四雪初八又韋編照清

夜塞管落南枝獻中荆山玉開成廟柱芝蘇詩瑞芝產  
產時瑞芝人間瑞已定過此却非宜

又和項服善三首

風雲頻慘淡草木屢蒼顏詩裏報瓊玖宮中煇玉環  
况况帝庭侯帛至佛殿宝珠還更有人清白鄱陽似魯

山

梅蘂開仍落同雲合未離添為五大老真是四無私天  
女來成粲水蚕老欲絲梨花一枝雨冷艷可能欺



又用時字韻

黃竹成章日陽春衆和時玉階談戰陳瓊燕賜花枝陶  
徑還飛絮商山欠採芝西疇農事及歸去正吾宜

和洪景盧用三白韻作四白詩

大似佛世界端如玉烛時穆家兄弟味楊氏子孫枝

四世為公以郵海明瑤柱四明柱都亭望秀芝

此體雙山剛邪寒繇政拙去倍二誠宜

楚士照千乘韓梨夸數株舜門紛執玉堯岳銜分符室

結文房友鑑明狂客湖郊圻正多壘兵會憶夷吾

四

鵬盡日又雪非復作五白詩再和

天地俱同數嘉平欲盡時柳飄彭澤絮松壓大夫枝越

絕山飛洩越有瀑布文登石產芝登州海上五濫騎為

郡馬深願穀相宜

日掩雲間色李嶠詩云五色滿榆栽天上株芳聯仙桂籍窮送

舊桃符遠岫明戶阜澄江接帶湖宣麻開晉國入蔡憶

金吾裴晉公五拜相

次韻何子應得宣城筆

金華手握管城子端類睢陽太守鬚鬚筆有神人不識

怒時真可氣吞胡

聞捷報用何韻

淮甸流離唐赤子將軍奇特魏黃鬚願將銀管書忠誼



糞土東京趙与胡

不欺室三字參政張公書也筆力勁健如端人  
正士儼然人望而敬之因成古詩八韻

雲山老人因大老歷代遺編歛探討餘事游神翰墨間  
乘輿濡毫快揮掃嚴霜烈日如魯公抉石奔泉陋徐浩  
國朝君謨書第一大字劣於行与草雲山心畫无不長  
筆力縱時書更好我來求字盖求人不在有官緣有道  
紫岩之銘雲山筆不欺室中双至宝玉簫峯下梅花溪  
願學雲山歸去早

出郊遇雪

小隊出郊聊習戰朔風吹雪似催詩皇天有意誅驕虜

正類元戎破蔡時

何子應以蜀中文房四宝分贈洪景廬王嘉叟  
某與焉因成一絕

江左風流屬憲臺筆端妙語出瓊瑰濫居益友三人列  
誤辱文房四宝來

送翁東叟教授

鄱陽江上五見雪鄱江樓上風栗烈廣文先生不畏冷  
弭棹登樓興清絕筆端妙語出離騷酒後剛腸吐名節  
芝堂假守老鄉人明日仙舟那忍別

三十年間舊友生眼青頭白見交情官於湖北况尤冷  
詩不江西語自清行李少留吳芮國夢魂先到謝公城



扁舟便合相隨去，薄有田園正可耕。

和宝印叔見寄

官舍蕭條怯莫冬，衰顏得酒暈生紅。  
遙思蘭若堂中老，非柏非松自耐風。  
濫乘五馬二毛侵，雪滿鄱江坐擁衾。  
二叔年高兄弟遠，歸期當不待秋砧。

用韻寄二弟

六月離家忽莫冬，郡絲清夜擁爐紅。  
細看慶朔堂前雪，正似梅花溪上風。  
甚矣今年老見侵，玉芝堂冷敝衣衾。  
夢魂夜夜尋兄弟，率飲亭前坐石砧。

送蔡卒

白首論文得蔡侯，江東尊酒半年游。  
龍頭家世高千佛，驥足声名重一州。  
方喜同僚吳芮國，不堪回首仲宣樓。  
送君撩我思鄉意，薄有田園歸去休。

齒落

五十行將四浮生，已向殘齒踈方咄。  
柳牙落遽驚韓猶，訝年初亂翻疑頰未丹。  
定知從此去梨栗，怯堆盤。

次韻李懷安贈何憲五絕

元老登朝首剡章，危言凜凜動明光。  
掉頭却向江湖去，不肯伊優上北堂。

伊洛橫渠造道深，誰傳衣鉢見真心。  
儒宗賴有金華子，



後學寧憂不嗣音

夢魂聞說到无何曾共神官壯者哦妙墨雄文滿天下

士衡應亦患才多

炙手權門盡好官雲山高卧老江干相期晚景全名節

富貴何須着眼看

元白詩筒數往還小生閣筆媿言艱異時應起鄱江念

公在金華我雁山

李懷安擁麾入蜀道出鄱江見贈二詩依韻奉

酬

不肯隨群慕鶴軒慨然丹陛吐危言坐看蜀道平如地

可見忠臣勇似尊駟馬橋邊驅弩矢杜鵑声裏擁旂旛

要須入境詢風俗首訪嚴遵李仲元

一麾出守楚東城邂逅論交媿孔程元礼仙舟行色好

子猷雪棹去心輕虎符稔服君家世雁蕩行逃我姓名

酒盞詩篇話時事江湖何日更尋盟

国娘生日正明

往歲王司業初生嫡女孫命名聊志喜曰国不忘恩日

在元正次身居輩行尊国娘在輩行中為長願如班与孟賢淑振

吾門

陳阜卿書云聞詩筒甚盛可使流傳江西否戲

用竹萌韻以寄

江西大帥本仙官餘事篇章過定安欲遣詩筒寄詩伯



恐嫌白俗孟郊寒

次何憲韻

毛穎神明更好鬚飛騰入月跨蟾蜍誰將銀管為封邑  
端為金華妙簡書鳳翥龍蟠文未稱逸少止以日光玉  
潔字還踈不善書謂何如今代何平叔筆陣詞源揔莫  
如

金華先生有奇石名碧遠携來自蜀陳洪州以  
詩覓之金華輟所嗜以贈亦一段奇事也予家  
雁蕩群峯錯峙皆几案間物因和二公詩頗起  
鄉思寓意斷章

二公心古貌清癯趣在林泉世味踈寸碧來從錦江遠

九疑分向錫山居

碧遠峯本自九疑陳錫山人也山中

丘壑奴金谷筆下波瀾陋石渠我有千峯藏雁蕩擎天

一柱挿空虛

天柱峯在雁蕩軍為奇絕

嘉叟宗丞得郡喜成一絕

邸報初聞見姓名甘棠家世旧專城伯魚詩礼趨庭處  
五馬旌旗夾道迎

人日兩次何憲韻

元正作佳天涉七弄春氣好雨亦知時綠波行何濟新  
詩如蜀州句有梅柳味七升年定豐一石公當醉

子應贈蜀中石刻十卷詩以謝之

金華石刻滿西州不惜明珠輒暗投詩泣鬼神追雅頌



義深君父妙春秋公有答春秋書深隨身連軫崔評事  
挿架懸籤李鄴侯掃室焚香讀終卷光芒万丈照螺洲

次韻嘉叟讀和韓詩

孔孟久不作况雄莫能和韓公生有唐力欲極頽控文  
興八代表李球諸子過佛老蔓中華微公任其左餘事  
以詩鳴語險鬼膽破汗瀾高駕天捷敏劇飛箭騎龍歸  
帝旁玉日人間墮汗流籍滉輦圭璧分半箇柳和詞擬  
騷郊聯語成些咸知太山仰誰繼北窓卧我本齏鹽生  
久供筆硯課幽香摘天葩光艷拾珠唾後公三百年杖  
屨无從荷世无六一翁孰知珍古貨巴詞擬陽春潛竊  
罪宜坐神交有吾宗涉世同坎軻李繼青箱玉詩高碧

紗播勉令添和篇才薄如何柰謬同赤効白深媿愈知  
賀世事置勿論蚊睫蟲容麼

元夕次何憲韻

火樹銀花遍九衢天移星斗下空虛心憂機婦寒窓士  
詩句分明似諫書  
鄱陽灼火類殘星風雨那堪更滿城為郡何如在家好  
長檠不似短檠明

送何憲行部趣其早還

九郡飢民望使輶陽春有脚不辭遙更須速返鄱君國  
莫遣詩筒久寂寥

種金沙花戲呈景盧



春光駘蕩楚天涯李白桃紅次第花未向名園看鉄樹  
聊於郡圃種金沙

郡圃栽花

公餘吏隱不相賒杖履園林賞物華五柳宅邊誰種柳  
百花樓畔謾栽花郡圃有樓池塘有夢吟春草蘇熹堂有屏  
障無心恋綺霞綺霞亭來歲游人應話我雁山深处老桑

麻

二月朔日同嘉叟蘊之訪景盧別墅用郡圃栽

花韻即席唱和

翻水芝山四望賒雨餘風物陪光華名園種果仍修果  
妙手栽花似判花行見昔公開綠野聊從子美酌江霞

坐間賓主皆人傑我質如蓬賴倚麻

野處名園境界賒夷堅博物似張華景廬作參天先種

柳州柳園中新照眼兼看花縣花園為即席賦詩袍

奪錦論文對酒臉生霞自慚衰病陪行樂策杖登城脚  
欲麻

還舍復用前韻以寄

負郭園林路不賒杖藜徐步賞韶華芹宮地近分杯水

烟近日芝嶺風高送落花園在芝山門范文正簷外梨

枝春帶雨梨花城頭桃樹晚蒸霞城上皆行看共掌絲

綸美寧復丘中詠有麻舍人兄弟皆掌絲綸和詩有

景盧嘉叟各和詩五首復用前韻



草堂相去不多賒雨後登臨喚華華心喜淵明尊有酒  
眼驚太白筆生花來看四澤滿時水滯見九光披霞  
是早陰雨得兩使君詩十首郡丞傳寫費川麻

用韻懷何卿

送別鄱江日未賒詩人相問憶金華烏衣巷口見歸燕  
何如万里橋西思浣花持節要先蘇赤子攝身未用踏  
蒼霞訶嶼行將歸侍玉皇案不比少陵鞋用麻

嘉叟和詩至七篇有何時五畝成歸計來作鄰

翁伴藝麻之句某鄉心方切復用韻

李繼初寮事業賒閉門寧海讀南華符分與化日烘荔  
室寓維摩天雨花宗坐寓故里君應懷北岳歸心我已

到飛霞

永嘉有飛霞洞天

休休莫莫宜閑處耕有漆丁婦織麻







